

MUKITI WA LITOLOMBITA

 Halu inamiseni litoho zaluna. Mulena, nako yeñwi ne ku bulezwi cwana, ka mulutiwa wa Hao ya lateha kuli, "U lu lute kulapela." Kakuli ha lu lemuha pata ya Mulimu yomutuna wa Lihalimu, lu lemuha mo lubezi baba tokwile. Kacwalo lu lute kulapela, Mulena, mwa lipilu zaluna cwale, ka lika ze—ze kaba za tuso kwa Mubuso wa Hao ni kwa batanga ba Hao. Wena uziba kutokwa kwa mutu kaufela ya liteni mo.

² Mi fa sipula fa, kakusasana cwana, kuna ni litaulo ni masila, ni limpo nyana ze likani ze zwa ku baba tokwile mwa tuso ya mubili, ni za mwa lapa, ni seo kaufela si kona kuba sona. Kono Wena u Mulimu, mi Mulimu fela anosi, yena Mulimu wa niti fela ya liteni. Mi lwa Ku kupa ka Libizo la Jesu, yena Mwana Hao, kuli U folise mañi ni mañi wa baa. Mi kwa kona kuba babañwi mo baba sina taulo fa, kamba nihaiba mpo, ye tokwa foliso.

³ Kukona kuba babañwi kwande mwahala linaha, mwahala lifasi, kuli ni yona tepu ye ikaba fumana mwa mandu a bona kamba likeleke. Lwa lapela, Mulena, kuli sebelezo hanze i ezahala cwana, kwa—kwa...kamba yona tepu hanze i lila, kamba mukwa ufi kaufela bo lukona kuba ku bona, kamba—kamba buino, tuhela kuli Mulimu yomutuna wa Lihalimu akuteke nto ye ka busepahali bwa lipilu zaluna kakusasana cwana, mi afolise baba tokwile, abafe se ba tokwile.

⁴ Lu fuyole cwale mwa sebelezo ye tatama. Bulela ka luna, mane inge kwasamba kuba, bakeñisa Mubuso wa Mulimu. Lwa libelela, ka Libizo la Jesu, kwa kalabo ya Hao. Amen.

⁵ Kikuli uka ni tusa ka lika zee? [Muzwale Branham u zusa lika fa katala—Mu.]

⁶ Ki hande kuba mwa keleke mo hape kakusasana cwana. Mi ne Ni sweli fela kuambola ni balikani cwalo baba zwile kwa Ohio, ku musizana yomunyinyani, yana tisizwe kwanu likweli nyana ze fitile, yana shwa bakeñisa butuku bwa kansa ya mwa mali ni mooko. Sicaba sani neli babotana luli, bona bashemi. Mi Hanina nako kakusasana cwana kuli ni bale—ni bale bupaki bo bu liteni. Kono ki sani siswaniso sa musizana yomunyinyani yani kasamulaho wa mazazi amalalu, Ni sepa kuli neli cwalo, kasamulaho amano lapelelwa. Madokota neba mu tomezi fela mazazi a malalu a kupila, mi mwa mazazi amalalu kasamulaho ba palelwu ku fumana nihaiba mufunda wateni. Mi kacwalo u mwa sikolo, u tabile hahulu. Ni sepa kuli keleke ya hupula fani hane lu inzi ni yena mwa sibaka se.

⁷ Mi hape ni mbututu yomunyinyani yana pepilwe ni mala, cwalo, inge alabukezi kwande. Ka mikwa yemiñwi madokota, ni buino nyana bo bwa mala mwa na bezi, neba palezwi ku a kutisa

mwahali hape. Neba saba kuswala nto ye nyinyani yani, neli fela mbututu ya sa zo pepwa fela ona foo. Mi cwale, mwana yani sa kuma fa mwaha cwale, Na sepa, nto yeñwi ye cwalo, ni mala a kwanile hande, lika kaufela li i ketile mo likona kubela. Ki sishemo sa Mulimu fela, cwalo kona Mo abezi yomunde ku luna.

⁸ Cwale, kacenu, Ne ni bata ku zibisa kuli mukopano one lu lela za ona, Ne ni lela za kuya mwa biki yetaha ye mwa—mwa Africa, hamoho ni Muzwale Joseph Boze, kwa Kenya ni Tanganyika. Ha lukoni kuba ni mukopano wo, ni telegilamu yezwile ku Muzwale Boze, “Biki yefelile balumiwa ba luna babalalu ne ba bulailwe, ni ku simehiwa.”

⁹ Mi bana ni musunga kwani cwale. Mi ba litaba za swalisano basweli ku supisa litobolo kwa bañi ba na ha, neba bulela kuli bana ni mikolo ya litapi ye beilwe mwa sibaka, Red China ni Russia; ni kusupeza litobolo kwa bañi ba na ha, mi ha ba zibi mwa kuitusiseza zona kono kaufela se ba bona kipeto ba itusisa zona ku sona. Kacwalo, kwani, ba—ba—ba muuso ba hupula kuli ne isike kuba nto yende kuli lube ni mukopano ka nako ye. Mi sina ha Ni utwisia, hape, kuli Muzwale Boze hakoni nihaiba ku kwalula sikolo sa hae mwa sibaka se, kone Ni ya, ka nako ye. Kono ha usika kansuliwa, ba ukashelize fela kwa pata kufitela ha ku ka kutumana hape.

¹⁰ Ki tabo hahulu kakusasana cwana fa kubona, mwahala luna hape, ka kusaba teni fa myaha yemiñata, Muzwale Jackson, Muzwale Sidney Jackson ni Kezeli Jackson, baba zwa kwa South Africa. Kana ba bulezi? [Muzwale Neville uli, “Eeni.”—Mu.] Mi sicaba se neli mizwale yaka ya niti ni kezeli, ni balikani mwa musebezi mwa mukopano kwa South Africa, musipili wa mafelelezo wani. Wo, lu sepa kuli zazi leliñwi, ka sishemo sa Mulimu, lu ka kuta ni bona hape, kakuli kwa tok wahala.

¹¹ Mi Ni bile ni lika ka myaha ye ketalizoho ka yemine kuli ni kute. Kono, kuya ka likopano, ni zeñwi cwalo, hana si ka ni lumeleza kukuta. Kacwalo Na ba ñolela liñolo cwanoñ nyana, mi nali, “Konakuli mali a miyo ye latehile yani ibe ku mina isiñi kuna.” Kakuli, Ni lumela kuli Mulimu na sa bata ku itusisa bulumiwa bwa ka kwani, kwa sicaba sani, ka nako yetele nyana. Kono ka ku shutana kwa likopano za bona, neba si ka ni lumeleza kukutela kwateni. Kono, ku lukile, Mulena uka li tokomela zani.

¹² Cwale, se Ni lakaza kubulela kakusasana cwana, ki kuli haiba Mulena a lata, Muzwale Neville u ni kupile kuli ni nge lisebelezo za busihu bwa kacenu, ni kwa Tabernakele. Kacwalo lwa... Mu memilwe. Mi cwale Sunda yetaha, haiba Mulena alata, Ni kaba kwanu, hape; mi mwendi ka Lisunda zepeli kamba zetalu ze tatama, bakeñisa ku sa ba teni kwa lika ze, bakeñisa kucinca kwa mukopano o no libelezi ku ezahala.

¹³ Cwale, hape lu tabela kubulela cwana, kuli, Ni bulezi kuli mwendi ni ka kutaza Litolombita Zesupa ka nako ye. Ne lu komoka fela mo be lu ka ezeza lika mwa muyaho o sinana ni kutokwa ze fukisa moyo, hakuna moyo mwa sibaka. Ha li si ka beiwa kale za ku fukisa moyo. Mi lwa lika ku lifela sikolo se kwantu, se si na ni ze fukisa moyo o bata, ni lipula ze likana mwendi . . . Oh, Hani zibi; ki sibaka sesinde mwa kuina nyangela, sikolo sesinde luli. Kono hakuna se lu fumani.

¹⁴ Mi, ne ku kaba, kuli baka lufa biki yetaha. Kono, biki yetaha? Mwabona, kuna ni sicaba se si zwa kwa libaka ze shutana za lifasi; kuzwa kwa Jamaica, ni kwa lioli za Islands, ni kwa mboela, mane ni South America, ni Canada, ni Mexico, ni mwahala linaha. Mi ne lu lumile lizibiso la Mubulo, mi ne ba si ka li amuhela kufitela mwendi la Bulalu kamba Labune; mi baba ni kuikupela kwa nako, ni zeñwi cwalo, ze ne ka yumbelwa kwande.

¹⁵ Libiki zene tatami, kwapili, kufitela nako ya sikolo, ki, muna ni ku liinga busihu bulibuñwi, mi mwendi ni kufiteleta busihu kamba amabeli, mi ni ku zwelapili ona cwalo hape, mi . . . Ne lu palezwi fela kueza cwalo. Hamukoni kueza sani.

¹⁶ Neni komokanga, hane Ni lapela ka ku sepahala. Mi cwale seli nako ya kuli lu kutele kwa Arizona hape, kuli bana bakene likolo. Mi kipeto mu . . . Ne ni bulela ni musala ka.

¹⁷ Mi, kihande, maabani Ne ni keni mwa muzuzu, mi se Nili, "Mulena, Hani—Hani koni ku itusisa manzwi amañata, kono, utwisisa, shangwe, Mulimu, se Ni talusa mwa pilu yaka. Ki butata mañi kuli lika kaufela li zusizwe kwa ku kutaza Litolombita zani?" Mi cwale Ataha ku to li patulula. Mi cwale, kakusasana cwana, Ni bata kubulela ku mina ka libaka lateni.

¹⁸ Mi cwale ki fo cwale, baba na ni Libibe mi ba tabela kuli—kuli, ba apule mwa Libibe zaluna. Luka apula pili mwa Levitike, kauhanyo ya 23 ya Levitike.

¹⁹ Haiba Mulena wa lata, busihu bwa kacenu Ni ka kutaza fa tuto yeli: *Kuya Kwande A Mafulo*. Mi ikaba ye kuswani, ili kuli mube ni nako ya kukutela kwa libaka za mina za mibeleko.

²⁰ Lu tabile fa kubona baeñi mwahali, sicaba se si tahile kuzwa kwande a tolopo. Ki babakai baba zwile kwande a tolopo babali mwahali mo, halunze lu talimile? Buñata luli ka nainte faifi pesenti, eehe, nainte eiti pesenti ya kopano. Kacwalo, mwabona kuli ha ki Jeffersonville, ki batu baba taha mwa Jeffersonville, kona baba eza . . . Luna lu mo ka sishemo sa Mulena.

²¹ Mi cwale Ni bata kubala libaka zetalu, kakusasana cwana. Silisiñwi sa zona si fumanwa mwa Levitike kauhanyo ya 23, mi sesiñwi ki mwa Isaya 18, ni Isaya 27, mina ba basweli ku ñola.

²² Mi cwale mwa sibaka sa ku kutaza . . . Haiba Mulena alata, Nika eza zeo busihu bo. Kono Ni bata kuluta, kakusasana cwana,

fa mukiti wa litolombita zesupa. Ili zeo, yona kweli ye ki mukiti wa litolombita zesupa, kukala . . . mi ili yona kweli ya busupa, ili yona Sikulu la 15, neibanga makalelo a mukiti wa litolombita, mwa milao ya Malivi.

²³ Cwale, mi haiba muna ni mapampili a mina ni zeñwi, mi mu tabelia kuñola Mañolo ni litaba zeñwi, ni zeñwi cwalo, halunze lu ya kwa pata.

²⁴ Kuna ni nto iliñwi kwa mukopano wo, kwa cisa, mi lu twaezi zeo mwahala lilimo. Kono mutu ukona ku nahana kuli Ni lumela kuli ha lukena mwa muyaho wo kipeto kuti lwa tuhela nako, mwendi, mi siemba, hanyinyani lukena mwa Kuyakuile, ka mukwa butelele o Ni inisanga sicaba. Hani talusi kuli ibanga ka nzila yeo. Kono Ni lumela kuli lupila bukaufi hahulu ni Kutaha kwa Jesu, kuli Nina ni ku itusisa muzuzu ufi kaufela ha Ni inzi ni sicaba hamoho.

²⁵ Mi ne Ni sweli ku nahana, hane Ni sweli kutaha inge ni zamaisa mota nako nyana yefelile, ne nina ni tapelo nyana ni si ka taha kale kwa kataala, sina mutu ya itutile za bulapeli kaufela mwa ezeza. Ne ni nahana kuli, "Mwa ziba, luna ni nako yende hahulu halu kopanangi mo hamoho! Kono, ni sicaba se si kopana kuzwa kwa litolopo zeñata, ze liteni ona mwahali mo cwale, kuzwa kwahule hule koo, limaili ze mianda anda, mi lu kopana hamoho kuli lu kopanele kwa Linzwi. Kono ku ka taha nako, cwanoñu, fo ze hali kaba fela likupuzo." Yeo ki niti.

²⁶ Linako ze li ka zwiswa ku luna, kacwalo he lu lukela kueza kaufela ze lu ziba mwa kuezeza, kuli lu eze se, muzuzu kaufela, u butokwa. Mi munahane ka se cwale, hanze lu nyanda mwa kucisa kwa kakusasana. Mi, mwa ziba, mubili wa mutu kaufela ki—ki sibyana se si futumala, sona luli, mi zeo za mi imeza katata luli. Mi, kono Ni bata kuli mu amuhele Linzwi.

Cwale, lusika ba fela ni—ni kubala, halu lapeleni.

²⁷ Mulena, buñata bwa batu kaufela mo ba bakona ku shenyise mazoho a bona, bakona ku apula makepe a Bibele yee. Kono kuna ni fela Alimuñwi mwahala luna kakusasana cwana ya kona ku Li kwalula; wani ki Moya o Kenile o mutuna, oli mwahala luna. Kwalula Linzwi ku luna, Mulena, halunze lu bala, sina mo No ezelize kwa balutiwa, hane ba ya mwa musipili kwa Emausi, mi akala kuba taluseza Mañolo. Mi ni luna cwalo, halu ka zwa, lu bulele sina bani bene ba kutela kwa Jerusalema kuzwa kwa Emausi, "Kikuli lipilu zaluna ne li sa cisi mwahala luna ha Na sweli kubulela ku luna mwa nzila?" Kakuli lu li kupa ka Libizo la Jesu. Amen.

Halu yemeñi kwa kufa likute kwa Linzwi.

²⁸ Cwale, tuto yaka kakusasana cwana kikuli: *Mukiti Wa Litolombita*. Ni bata kubala cwale kuzwa fa timana ya 23 mwa kauhanyo ya 23 ya Levitike.

Mi MULENA abulela ni Mushe, ali,

*Bulelela bana ba Isilaele, kuli, Ka kweli ya busupa,
mi ni ka zazi la pili mwa kweli, mukaba ni sabata, ili
kupuzo ya kuliza kwa litolombita, ibe mukiti o kenile.*

²⁹ Cwale, mwa Buka ya Isaya, kukala ka timana ya 1 mwa kauhanyo ya 18, se si tamahana ni se hamoho.

*Bumai ki bwa naha ye unga mulumo wa mafufa, ye
mwa buse bwa linuka za Etopia:*

*Wena ya luma mandumeleti ka nzila ya liwate, mwa
lisepé za kuma fahalimu a mezi, unzo li, Amuye,
mina batanga baba lubilo, kwa sicaba sa siyemo se
sitelele...sa litalo leli benya, sicaba sesi sabisa isali
kwa makalelo...ki sicaba sesi patamisa macaba, seo
linuka li alulelana naha ya sona!*

*Mina kaufela baba yahile mwa linaha kamukana, ni
mina baba yahile mwa lifasi, ndembela isino yemiswa
fahalimu a malundu; mi ha liza tolombita, mu teeze.*

³⁰ Mwa Isaya 27:12 ni 13.

*Kono ka lizazi leo, MULENA uka nyunga likota za hae
kukala kwa makalelo a nuka kuisa kwa maabwa a
Egepita, mi muka nopiwa ka alimuñwi ka alimuñwi,
Mawe mina bana ba Isilaele.*

*Mi ka lizazi leo, tolombita yetuna ika lizwa, mi ki ha
muka taha mina bene ba bata kushwela mwa naha ya
Asiyra, ni baba lelekiselizwe mwa naha ya Egepita, mi
mu ka kubamela MULENA fa lilundu le li kenile mwa
Jerusalema.*

³¹ Halu lapeleni hape. Mulena, fuyola Manzwi a kwa lipilu³¹ zaluna. Mi cwale mihipupo ya luna ni milelo ya luna ibe kuya ka taelo ya Hao. Ka Libizo la Jesu. Amen.

Mwakona kuina.

³² Kuna ni lika zeñata hahulu zeo mulisana akona ku tabelu kubulela kwa kopano ya hae yona ya lata, ya sicaba se si shutana sesizwa kwa libaka ze shutana, ili mane zeo ha li konahali bakeñisa nako.

³³ Cwale hanze lu atumela tuto ye, lu bata kuli mu ikutwe kuba ni tukuluho ni kutamuluha. Mi buñata bwa mina mu yemi; mi hane Ni taha, mamota na tezi, ni fande ni mwa minyako, ni kwa pata, ni kupotoloha muyaho, ni kupotoloha mamota kaufela. Kacwalo, he, haiba mubata kucincana lipula ni mutu yomuñwi, zeo likaba hande.

³⁴ Cwale, *Mukiti Wa Litolombita*. Cwale, ye neli kopano ya Isilaele, kone ba kopanela hamoho, ili mukiti wa litolombita.

³⁵ Cwale, Ni bile ni kulubela fa nako nyana kuli—kuli ni bulele fa tuto ya Litolombita Zesupa mwa Buka ya Sinulo. Mi cwale

luka bonahalisa nto ye sinca, fa nako fela, kuli lu tahise buino sakata bwa seo ni sa buleleli nto ye ka nako ye, kakuli Moya o Kenile hausika ni lumeleza kuli ni bulele fa nako ye ona litaba zee. Ni ziba kuli seo si utwahala hahulu bwanana, mwendi, kwa sicaba se si itutile hahulu ni ku utwisisa, kono ku Mukreste kwa shutana. Lu—lu lateleta tamaiso ya Moya, sani sinosi.

³⁶ Cwale, Ne ni kalile kulemuha kwa kutazo ya Linako za Likeleke Zesupa, ili ona mu—mu mufuta, kamba mutualimelo wa zeo kaufela Mulimu na ka ezeza likeleke, ni mwahala likeleke, ni ku libeya hande ka swanelo.

³⁷ Likauhanyo zetalu za makalelo a Buka ya Sinulo lipatulula likezahalo kaufela za kwa Keleke. Mi, kuzwa mwa kauhanyo ya 3 kuisa mwa kauhanyo ya 19 mwa Sinulo, hakuna ku bonahala kwa Keleke hape. Keleke ya ngiwa mwa kauhanyo ya 4 ya Sinulo, mi i kutela hape mwa kauhanyo ya 19 ya Sinulo, ili Munyaliwa ni Munyali, hamoho, ba taha mwa lifasi. Mi cwale kuzwa mwa kauhanyo ya 19 kuisa kwa mafelelezo a kauhanyo ya 22, kamukana zona ki mwa Mileniamu ni se si kaba mwa lilimo ze ka tatama kasamulaho. Mwahala ya 4 ni ya 19, Mulimu utalimana ni Isilaele.

³⁸ Cwale, he, hane lu felize ka buka ya sinulo ya keleke, sana ezize Mulimu kwa likeleke zesupa zani, zeneli mwa bu nyinyani bwa zona, kamba muluti wa zona, mwa Asia Minor. Mi Moya o Kenile wa patulula ni ku kwalula ku luna likunutu kaufela zeneli Mwatensi, ka Mwa tiselize Keleke ya Hae mwahala litaba za kale. Mi haiba hamuna *Linako za Likeleke Zesupa* fa tepu, ne kukaba hande kuli mu li teelete. Mi cwanoñu nyana fa likaba mwa buino bwa buka.

³⁹ Mi kipeto lu lisiye fela ona foo, ni ku akaleza kuli kasamulaho wa nako nyana luka kutaza fa Maswayo, ni sa zibi kuli Maswayo neli sikamañi.

⁴⁰ Neni na ni muhupulo wa ka, sina mukutazi kaufela mwa belanga, ka za kubala mwendi ku ze ba bulezi kale baana babañwi; ni ku lumela kuya ka mo Ni konela, ni bona, fa lika ze ba swanisize, mutualimelo wa bona. Ne ni balile buka ya Bo Smith, Uriah Smith, ili muluti wa Sabata, mi Ne ni balile mihupulo ya—ya hae ka zona. Mi Ne ni za Bo Larkin. Ne ni balile, oh, zeñata fela ze shutana, ka mubulelelo wa bona fa taba Ye. Kono, ka manzwi amañwi, Na pupula kuli Ne ni bile ni—ni mubonelo wa sona, nina, o kona kuba o shutana nyana. Kono ka kulika nako yeñwi, ne ni bulela fela fa lituto zetalu, ya pili... kamba lituto ze ne za bapahami babane ba lipizi. Ne ni kutalize ka zona masihu amane, yeñwi ni yeñwi ya lipizi, ni zeñwi.

⁴¹ Kono cwale ku si ka ezahala fela kale, Na fiwa pono, yeli fa litapa, sina mina kaufela ha muziba, *Muñaka, Ki Nako Mañi Sha?* kuli Ni lukela kuya kwa Tucson, Arizona. Mi kwani kwa neku leliñwi la lihalaupa, ku pahama lilundu, kone Ni inzi ni

mizwale yemiñwi, ni kubulela ka za kupanca kokutuna kone kuka utwahala, mi Na... Mangeloi a supa ataha fafasi. Na se ni hupula, na kasibili, kuli neli mafelelezo a bupilo bwaka; na bulelela musala ka kuli ange Billy, ni za na lukela kueza kwa banana, ni zeñwi cwalo, kufitela hane lu ka yo kopana kwa neku leliñwi.

⁴² Mi zazi leliñwi mwa Sabino Canyon, fani Mulimu ha ni biza kakusasana ka mapakela kuya kwani, Ne ni li kwani ni mazoho aka a nanuhezi mwa halimu, ne ni lapela, mi mukwale wa taha mwa mazoho aka. Mwa ziba cwalo. Na yema fani mi na u talima, wa bonahala ona cwana sina lizoho la ka mo liinezi cwale, ni sa zibi sene u talusa. Mi sa ni siyela Linzwi lene libulezi kuli, "Wo ki Mukwale wa Mulena." Mi cwale, kasamulaho, fani Lingeloi la Mulena ha li to patulula za teni, Neli Linzwi mwa lizoho.

⁴³ Kapili kasamulaho wa fani, Mangeloi a Mulena a bonahala mi a bulela ka za Litolombita Zesupa... kamba Maswayo Asupa, kuli Ne ni lukela kukutela kwa Jeffersonville mi ni yo kutaza fa Maswayo Asupa ani. Mi, kwani, haiba Ni kile na bulela sika kaufela sene si susumelizwe, neli mwahali mwani. Kwani koo Lingeloi la Mulena neli lu katani, mi Bibebe iba Bibebe yenca. Kwani Ya li kwalula kaufela ni kupatulula lika kamukana zene ba siile baongaongi ni lika zeñwi kaufela. Neli sinulo yetezi ya Jesu Kreste, kaufela yona neli yenca ku luna, kono ka swanelo neli fela ona cwalo ka kuswana ni Mañolo. Lani neli Linzwi le li bile teni kamita. Ne ni susumelizwe hahulu ni ku zamaiswa.

⁴⁴ Mi cwale ha Ni taha kwa siemba se fa, ka ku kutaza kwa Litolombita Zesupa, Na hupula, "Kihande, Hanina kulika ku nahana sika kaufela. Ni ka libelela fela kufitela nako yani mi Yena ni patululele zona." Mi cwale maabani ha Ni ni... Ne ni keni mwa muzuzu mi na komoka... Kamba, mu ni swalele, neli lizazi la maloba. Hane Ni keni mwa muzuzu, kulika ku utwisisa, neli kwani fo Moya o Kenile ha u to kwalula se, ku ni bonisa libaka hane li sa swaneli kwa Keleke ka nako ye, kakuli halina sa kueza ni Keleke, ni hanyinyani.

⁴⁵ Cwale, likunutu ze patilwe za Kreste ne li talelelizwe mwa Maswayo Asupa ani.

⁴⁶ Ne li patuluzwi, pili, Linako za Likeleke Zesupa, ne li kwaluzi masika ni ku abeya mwa ka swanelo a ona, sibeli sa za kale ni za Bibebe, ni ku libeya mwa sibaka sa zona, mo ne liinezi. Mi lwa ipumana ili luna mwa lusika lwa keleke ya maungulo, kakuba Lusika lwa Keleke ya Laodesia, ili lona lone lu li lo lu maswe hahulu mwahala masika a likeleke. Mane kuzwa kwa makalelo luli, kuzwa mwa Efese, neli lusika lwa keleke.

⁴⁷ Mi cwale ki mufuta ufi, mo, Moya o Kenile wa ni fa pono, ni kubona sene si ka ezahala, Ne ni swanisize fa limati, lilimo zepeli kwa mulaho. Ki se fa fo ku swanisizwe, kuya ka mo Liseli ne li zamaya litima kuzwa mwa lifasi, ona mo ne li kabela Liseli

halitaha fa lifasi, sina Evangel, ni mo ne Li ka monyehela ni kutima. Kusina kuziba zateni, ka nako yani, sene li talusa ni mo ne li kabela.

⁴⁸ Kono lifasi lelituna za swalisano nelina ni—ni mukopano ni Rome; mi Rome, yeli yona mahe wa likopano kaufela. Yena popu, ka nako yapili mwa litaba za kale, a zwa mwa Vatican mi aya kwa Jerusalema ni libaka zeñata. Cwale, Jerusalema ki sipula sa kale sa bulapeli bwa luna kaufela, ki Jerusalema. Mi ni mwa sipula se, popu ya zwa kwa Rome, yena yali sila sesitura hahulu sa Keleke mwahala linako kaufela, wa taha uto potela Rome... kamba uzwa kwa Rome utaha kwa Palestine, Jerusalema.

⁴⁹ Mi sina ha lubona, kakuba ya si ka ituta, na kasibili, ne ni sa zibi ka—ka manzwi ni mwa ku bulelela, Ni bile ni luta kamita ka mifuta, mwa mifuta ya ze bupilwe. Zebupilwe lika latelela zebupilwe. Zebupilwe ki za Mulimu.

⁵⁰ Hamu nga nako haiba likomu, zeli mwa simu, kaufela ha li kopana hamoho mwa neku leliñwi la simu, mu cimbula kashuto ka mina mwa mezi; tapi haina ku luma kwateni. Hamuna ku li swala; mwabona, likomu za pumula; konji ha muka ka nwelisa mwa sibaka sesiñwi. Kono cwale haiba likomu lika ya kufula, mutualime. Yona nako yeswana likomu halieza cwalo, linyunywani ni zona lika fufela kwa likota; lika tuhela kusela. Mwabona, ki zebupilwe. Lika kaufela za lumeliana hamoho. Mu lemuhe limuka, ka nako yani, hali fufa fufela fa linosi za zona, haki ku li kubukanya. Zebupilwe kaufela libelela hamoho.

⁵¹ Mi kabakaleo, sina halu bona kota ha i bulumuka matali, cwanoñ nyana fa, mwa likweli nyana ze tatama, litali lika siya kota. Mi ni—ni bupilo, mezi a mwa kota, aka kena mwa mubisi. Mi litali la kota lika zwa kwateni ni kuwela fafasi ni kubola. Mi kausiamu ni—ni potashi, mi zeo li mwa litali la kota, lika bolela mwa mubu. Mi ku ezahala sikamañi? Bupilo buile hape kwapili kwani, mi buka bu anya kukutela ku yona iñi, ni ku kutisa litali lani hape. Ki lifu, kupumbekwa, ni zuho.

⁵² Mi zebupilwe kaufela! Mi kweli ki—ki musala lizazi. Ki liseli leli nyinyani. Mi cwale, hape, kikuli lizazi ha li likezi, ha kusina lizazi, kipeto kweli i monyehela liseli fa lifasi, ili mufuta wa keleke. Mi cwale popu ha ya, sona sila sa kale sa keleke, ni kutaha mwa Jerusalema, ili sona sipula sa keleke; ili yona, Jerusalema yomunca ni Jerusalema wa kale; lwa lemuha, ku sika ezahala kale zeo, ne kuna ni lififi leli nsu hahulu fa kweli.

⁵³ Mi mwa mitende, mwahala naha sina haluna ni cwalo fa limati, ne li bonahalize kweli yani mone i fetuhezi kuzwa kwa liseli kuba bunsu. Ni mubonahalelo wa yona luli, kuli kweli yani ne i swanisizwe ona cwalo luli, mwa halimu, ki nto yeswana ni Moya o Kenile so no ni file kuli ni swanise kwanu lilimo zepeli ze fitile, ni ku bonisa cwalo...ku apesa...Hane liile ka maswaniso a silezi, Ne ni beile sa busupa fateni, kakuli lusika lwa keleke ya

busupa, ki muluti fela wa Liseli, ku zamaya kwa... Kwani kona koo Jesu, fa sikwalo, inza ngongota. Kono ikena mwa lififi leli nsu bwii.

⁵⁴ Mi ki lumonyi lolu cwani, ha ki Liñusa ni leo lelizwa ku Mulimu Yena Kasibili, kuli lika ze ki Niti! Na li pakile pili mwa Linzwi la Hae, kuzwa fo ka Moya kwa pata, mi ni ku li patalaza mwa lihalimu. Hakuna foso ka zona ni hanyinyani. Maswayo ami ni Masika kaufela liinzi mwa buino bo buiketile, ka kupetahala, Mulimu inza paka ka lisupo za lihalimu ni ze komokisa, ka Linzwi ni za kale, kaufela zona inge li beilwe hamoho, mwa lusika mo lupila ku lona cwale.

⁵⁵ Cwale ki nto yetata kuli likeleke libone se. Ku tata kuli likopano libone se. Kamita balika ku nahana kuli mulika ku omanya sicaba. Ha mu cwalo; mulika ku lemusa sicaba. Ha ki kulika kuba ya maswe ku bona; mulika kuba zwisa kwa bumaswe. Ha ki sicaba mwa likopano zani; ki mulao obali ku ona, kona o ba bulaya. Ba sepahala, bona sicaba sa Katolika, Baipanguli, Majuda, ni babañwi kaufela. Ki batu bateni bao—bao...

⁵⁶ Likezeli ze kenile haba kenelangi mwa sibaka sa kusa nyalwa ili kuba basali baba maswe; ba kenela mwani kuli babe basali babande. Balika ku sutelela bukaufi ni Mulimu, kono ki mulao o ba sinya. Batu ba ikopanyanga kwa keleke, isi kuli babe batu baba maswe, kono kikuli babe batu babande. Kono ki mulao wa keleke o ba hoha kuzwa kwa Linzwi ni kwa milao yeo Mulimu a tomile ku to fita lizazi le; mi sani kona se si ba zwiseza kwande.

⁵⁷ Cwale muhupule, Mulimu ki Linzwi, mi lusika kaufela U tomile Linzwi la lusika lo luna ni kuba mwa lifasi. Na Li tomezi mwa lusika lwa keleke, mi ni Maswayo Asupa a patuluzi sika sa teni kaufela sa Zona. Mwabona?

⁵⁸ Kiñi sene sili kwani...kana ne kuna ni likunutu ze ne sa patilwe? Sinulo 10, lu fumana, kwa mafelelezo a Liñusa la lingeloi la busupa, kuli, likunutu zene patilwe nelika patululwa, Sinulo 10:1 kuya 7. Mulemuhe, libaka ki kuli nekusina bapolofita ka lusika lo. Bibele ibulezi, kuli, "Mulimu hakuna sa ezanga konji Ha li patululela kwa bapolofita ba Hae, batanga ba Hae, bona bapolofita." Mi Linzwi la Mulena mwa masika kaufela libile litahanga kwa bapolofita, kwali kuba nihaiba kwa mulao, kwali kuba nihaiba kwa sikuwata.

⁵⁹ Mulimu ali kuba a itusise sikuwata. Nako kaufela sikuwata kaufela sa sicaba ha si onga ongiwa, Mulimu a i siya mi yali kuba i kutele hape. Mu bate mwa litaba za kale ni kubona haiba seo si lukile kamba nee. Lu se lu ezize kale zeo. Yena mane Ha ezi sika ka mulao kamba sikuwata, kasamulaho bamano onga onga; ki ku lwanisa Mulimu.

⁶⁰ Kabakaleo, ka nako ya kuonga onga, ne kutile baonga ongi, sina Maswayo Asupa na pakile kuli ku cwalo. Kono mwa lizazi

la mafelelezo cwale, ne li lukela ku patululwa hape. Kakuli, lu fumana cwalo mwa Mañolo, mwa Malaki 4, kuli ku lukela kuba tozo ye taha ku to ancafaza Tumelo sinca hape, “ni kutisa tumelo ya sicaba kwa pentekota ya pili, Tumelo ya bashemi.”

⁶¹ Mi lwa nga Elia wa kutaha kwapili; ne lu ngile Elisha yana mu latelela; lu ngile Joani Mukolobezi kasamulaho wa sani, ya nali yena Elisha wa lizazi lani; ni sepiso ya yomuñwi mwa lizazi le.

⁶² Cwale, Joani Mukolobezi ne si Elisha wa Malaki 4. Neli Elisha wa Malaki 3. Jesu na bulezzi cwalo. “Amubone, Ni luma mulumiwa wa Ka fa Pila ka, kuli a lukise nzila.” Lu mu fumana kuba ya cwalo.

⁶³ Cwale, ka kueza cwalo, ka ku fumana libaka zeo, lu ziba kuli Mañolo kaufela siyezi, ya susumelizwe ki Mulimu, li patulula ku luna kuli lu mwa lizazi la maungulo.

⁶⁴ Cwale, haiba Ni taha ni liñusa la Pentekota, Ne ni kaba mwa Lusika lwa Keleke ya Laodesia, mi ne li sike za luka.

⁶⁵ Kona libaka Wesley hana sika nga liñusa la Luther. Luther nali mwa lusika lusili, lusika lwa keleke, mi Wesley nali mwa lusika lusili. Kambe Jesu na ka taha mwa . . . ni liñusa la Mushe, ne lisike la beleka. Kambe Mushe na ka taha ni liñusa la Nuwe, ne lisike la beleka.

⁶⁶ Kono Mulimu u tomile kwa sicaba sa Hae—Hae—Hae, sa mwa lusika lufi kaufela, Mañolo. Mi mane ku si ka taha kale lusika, mwa nako, kona kuli likeleke lina ni zona inge li zwakani hahulu kuli ba—ba palelwa kuziba fo fa inzi.

⁶⁷ Leo kona libaka haba palelwa kulemuha Jesu kakuba Mwana Mulimu. Bona, lizo za bona li foufalyze meeto a bona, kono Yena na zamaeleta hande ni Mañolo.

⁶⁸ Bapolofita ne ba swana. Jesu naize, “Ki mañi wa mina, kwa bashemi ba mina, yene mu si ka pobaula ka macwe ona bapolofita babane ba lumilwe ku mina bañi?” Mi kipeto Mulimu u luma mupolofita wa Hae, ku . . . mi mupolofita uba Linzwi la Mulimu lelipila, leli bonahalile.

⁶⁹ Jesu naize, “Mukona ku Ni nyaza cwani, ha muli, ‘Ni Mwana a Mulimu,’ mi mubiza, mwa milao ya mina . . . Mu li, bao Linzwi la Mulena ne little ku bona,” ili bene bali bapolofita, “ne mu ba biza kuli ‘balimu.’ Mi kanti ba cwalo, kakuli Mañolo hakoni kulyangana,” Ki hali. “Cwale muka Ni nyaza cwani?” Mi Yena ha . . . Nebali siemba sa mulao, neba siemba sa Linzwi la Mulimu, kono Jesu nali yena mutalelela wa Linzwi la Mulimu. Mulelo wa Hae kaufela wa puluso, kukona kwa mata a Mulimu, nekuli ku Yena.

⁷⁰ Mi cwale, mwahala masika a likeleke, ba ezize ze swana. Mi Maswayo Asupa alukela kupatulula likunutu kaufela ze ne

siilwe ka nako yani, kakuli haluna bapolofita, mi Linzwi hali tahangi kwa baongaongi. Bapolofita!

⁷¹ Mulimu ha cincangi. Mwa Malaki 3, ili, "Kina Mulimu, mi ha Ni cinci." Nzila ya Mulimu yapili mwa kuezeza sika kaufela, yani kona nzila ya Mulimu ya kueza sika kaufela ka yona. Mulimu na lakalize kuli A pilise mutu ka ku sulula Mali a Ya sina mulatu, mwa simu ya Edeni, mi Ha si ka cinca kale fateni haisali, mi hakoni ku li cinca. Lu lukile, ka tuto, ka miyaho, ka milao, ka likopano, ka lituto za buino, ni lika zeñwi kaufela, mi zeo kaufela li palezwi. Kono kuna ni fela sibaka silisiñwi seo Mulimu akopana ni mutu ku sona, sani, ki mwatasa Mali a suluhile a nto Yesina mulatu. Konji fela ka Mali! Bwani neli buiketelo bwa Hae bwa pili. Mwabona?

⁷² Lwa kona kupanga buiketelo, mi mwaha o taha lwa kona ku nahana hande kufita cwale. Luna ni muhupulo omunde wa zona, mwaha o taha. Mulimu nya; Yena ha shwi. Buiketelo bwa Hae bwa pili bu petehile; hakuna se si kona ku kucinca. Na kona kuituta hahulu; luna lwa palelwa mi lwa shwa. Na kona kuituta hahulu; mwa kona ku ituta hahulu. Kono Mulimu hakoni ku ituta hahulu; Yena u petehile, ka kukala. Mi, kabakaleo, buiketelo bwa Hae bwa pili, mu yendeke mioyo ya mina fateni. Seo Bibebe ibulela, ki sona!

⁷³ Mulimu una ni ku atula lifasi zazi leliñwi. Mi ba Katolika bali Uka li atula ka keleke ya Katolika. Haiba kuba cwalo, ki keleke ifi ya Katolika? Za shutana, ku yeñwi ni yeñwi. Haiba muna ni ku atula ka Baipanguli, ki keleke ifi ya Baipanguli? Za shutana, yeñwi ku yeñwi. Mi ikona kuba nto ye lyanganisa nyana; hakuna yana ka ziba fa ku yema. Haiba ba Methodist ba lukile, ba Baptist ba latehile. Haiba Baipanguli ba lukile, ba Katolika ba latehile; ba Katolika haiba ba lukile, Baipanguli ba latehile.

⁷⁴ Kono Bibebe ibulezi kuli Uka atula lifasi ka Jesu Kreste, mi Yena ki Linzwi. Mi, Uka li atula ka Linzwi.

⁷⁵ Mi likopano kaufela li zwile mwa Linzwi lani, ku ipangela lituto za bona za keleke. Ni kupa mutu ufi kaufela kuli a pake ku na ka kulwala Linzwi lelitezi. Hamukoni kueza cwalo, kakuli li zamaiswa ka mulao wa mutu. Ko muna ni mutu . . .

⁷⁶ Mulimu ali kuba abonane ni mutu alimumu ka nako yeñwi. Yena mane a sikaba kale fateni ni bapolofita bababeli ka nako iliñwi. Ki Alimuñwi! Mulimu ukona kunga mutu alimuñwi mwa lizoho la Hae. Yena ha talimani ni wena ka mukwa woo . . . kopano ya henu; Utalimana ni wena.

⁷⁷ Cwale, kuya ka buino bwani, lu taha kwa mukiti wa litolombita, ki likunutu ze patilwe. Ku polofitilwe kuli neku kaba ona cwalo, kabakaleo ne lina ni ku patululwa ka nzila yani mo ne kuinezi. Kono kuli li patululwe mwa lizazi la mafelelezo le, ku taleleza ona cwalo fela se Ni bulezi, Malaki kauhanyo ya 4, Luka kauhanyo ya 17 ni—ni timana ya 30, mo A ka ezeza, ni

Maheberu 13:8, Maheberu 4:12, ni amañwi amañata a Mañolo ao a lu bulelela. Cwale, haiba zeo ki za buenyi ku mina, Ni bulele kuli Mulimu yena kamita . . . Nzila ya zibwa ka yona Mulimu ki ka sipolofita.

⁷⁸ Majuda kamita ba zibile ku lumela bapolofita ba bona. Na ize, "Haiba kuba alimumu mwahala mina, Na Mulena ni ka bulela ku yena mwa litolo za moyo ni lipono. Mi, sa bulezi hasi i taleleza, kona kuli mu muutwe." Nebali cwalo kamita . . .

⁷⁹ Kona mone ba palelezwi ku lemuha Jesu, mi ne ba Mu likanyelize sikala si sili fela, kacwalo ba Mu eza kuba moyo o maswe, "Baalezezbubi," kakuli Na kona kulemuha milelo yeneli mwa lipilu za bona. Kamita lu ziba kuli sani kona sisupo sa Linzwi.

⁸⁰ Maheberu kauhanyo ya 4, timana ya 12, ili, "Linzwi la Mulimu li buhali lifita mukwale o lozizwe kafa ni kafa, mi li lemuha mihipulo ni maikuto a mwa pilu."

⁸¹ "Mi Yena Moya o Kenile uka taha ku mina, Uka mi hupulisa lika ze Ni bulezi, mi uka mi bonisa lika ze sa taha."

⁸² "Mulimu mwa linako za kale, ni mwa mikwa yemiñata," Maheberu 1, "na bulezi ku bo kuku aluna ka bapolofita, mwa mazazi a maungulo a ki ka Mwana Hae, Jesu Kreste." Ki Mulimu ya swana, na cincize fela kuzwa mwahala bapolofita kutaha ku Mwana. Ku felile. Mwabona? Kamita ki Liñusa leli swana, ka nzila yeswana ya mo ku ezezwia lika.

⁸³ Cwale, ku polofitilwe kuli likeleke likaba mwa buino bo, nelina ni ku kutisezwa hape. Mi ki Hali, mwa Malaki 4, kuli Naka "luma Elia mupolofita, mi uka kutisa si—si sicaba hape," ni . . . ku si tisa. Mulemuhe. Mi kusika ba kale . . . Kamba, kasamulaho wa Liñusa la hae, kukaba nako fo lifasi ha li ka cisiwa, mi baba lukile baka zamaya fa mufuse.

⁸⁴ Cwale, ku muituti yomuñwi wa za bulapeli ya kona ku teezeza cwale fa tepu, kokuñwi mwahala lifasi, haiba unahana kuli yani neli Joani, hupula, kanti, kuli Mañolo a fosahalile, kakuli lifasi neli sika tuka kasamulaho wa liñusa la Joani. Jesu na si katela kutonga sicaba kukena mwa Mileniamu; kono U sepisize kueza cwalo kasamulaho Moya wa Elia u mano taha fa lifasi hape.

⁸⁵ Mulemuhe cwale mwa Malaki 4, lubona fa kuli se sina ni ku ezahala ili kukutisa (sikamañi?) tumelo ya sicaba kukutela kwa bashemi ba makalelo, Tuto ya pentekota, bashemi ba makalelo. Mi uka kutiseza sicaba kwa bashemi.

⁸⁶ Lu fumana mwa Luka 17, Jesu na bulezi kuli Ha ka taha ka lizazi la mafelelezo, Luka 17:33, lu fumana cwana kuli Jesu naize, "Ona mone kuinezi mwa mazazi a Lota, kona mo ku kabela ni fa kutaha kwa Mwana mutu, fo Mwana mutu ha ka patululwa."

⁸⁷ Cwale mulemuhe, Na tile ka mabizo amalalu a bana. Na tile ka libizo la Mwana Davida...Kamba, yena Mwana mutu, Mwana Mulimu, Mwana Davida.

⁸⁸ Cwale, Nana ni kutaha sina Mwana mutu, kakuli Nali Mupolofita. Jehova, Yena kasibili, na biza bapolofita kuli, "mwana mutu." Mi Jesu na si ka ipiza Iliyena kuli Mwana Mulimu. Na ipiza Iliyena, kamita, sina Mwana mutu. Mi mulemuhe, Na i patuluzi Iliyena kuba Mupolofita, ili Muboni. Ali, "Haiba ha Ni ezi misebezi Ya Ndate, konakuli musike mwa lumela." Na kopani ni mubulelelo wa Hae mwa Mañolo, mane kuisa ni kwa lifu la Hae, kupumbekwa, zuho; ku kokotelwa kwa Hae, kupepwa kwa Hae, kaufela. Mi ni mwa musebezi wa Hae, A kopana ni mubulelelo wa Muboni, yena Mwana mutu.

⁸⁹ Cwale U patuluzwi mwahala masika a likeleke, cwale mutualime, mwahala masika a likeleke, kakuba Mwana Mulimu. Mulimu yena ki Moya, ki Moya o Kenile, Na i patuluzi Iliyena mwa masika a likeleke ka kuba, mwa kopano, sina Moya o Kenile mwahala sicaba.

⁹⁰ Lu fumana, mwa Lusika lwa Keleke ya Laodesia, yona keleke ya mafelelezo, U lelekezwi kwande a keleke. Hakuna sibaka si sili ko Akile a lelekelwa kwande, mwa lusika lufi kaufela, kono konji mwa Lusika lwa Laodesia. "Kakuli, neba li, 'Kanti lu fumile hakuna se lu tokwa.' Kanti mane ha uzibi kuli u zielehile, u mubotana, u mapunu, mi u sibofu, ibo ha u zibi." Na lelekezwi kwande a lusika lwa keleke.

⁹¹ Mi cwale, kuya ka Luka 17, Na ize, "Ona mo ne kuinezi mwa mazazi a Sodoma, kona mo ku kabela ni fa kutaha kwa Mwana mutu." Cwale, Na sweli kubala mwa Genese ye lu balanga. Mulemuhe, kwa Sodoma, sene si ezahalile. Neli sikamañi mwa Sodoma? Abrahama...

⁹² Kubanga likwata zetalu kamita za batu. Ne kuna ni Abrahama, ya ketilwe ni ku bizwa, kwande a Sodoma kasibili. Ne kuna ni Lota, ili membala wa keleke, kamba mutu wa kopano fela, kwani; yana tiloba siemba sa lifasi, ka kuba nduna wa muleneñi, aina mwa minyako; nali muatuli, yali yena nduna. Mi yani neli Sodoma, kasibili.

⁹³ Cwale, ka nako ya manzibwana, kamba ka musihali tuna wa lizazi, fani Abrahama hana inzi mwataso oke ya hae, Mangeloi amalalu a bonahala ku yena. Amabeli a ona aya kwa Sodoma, mi a yo kutaza Evangeli ni kulika kuba bizeza kwande. Ne ba si ka zwa; ne ba lyangan. Lota, ni musala hae, fela, ni bana ba basizana bababeli ba hae, ba zwa. Mi musala hae afetuha kuba musumo wa lizwai.

⁹⁴ Kono Yena yana inzi inza ambola ni Abrahama, yana bizize Abrahama kuli, "Elohim, yena Yamata kaufela." Genese 1, "Mulimu! Kwa simuluhu, Mulimu," Elohim, yena—yena Yamata kaufela, Ya ipupile ili yena. Abrahama a Mu biza kuli, "Elohim."

Mi Ainafafasi ni kuca ni Abrahama; A nwa; Nali mwa nama ya butu. Mi mutualime sisupo sa Na file Abrahama.

⁹⁵ Cwale, neba libeleta mwana yana taha, ili mwana wa sepiiso, Isaka. Myaha ye mashumi amabeli ka ye ketalizoho, mwa musipili o mutelele, ne ba mu libeleta, kono nese bali kwa mafelelezo a musipili. Mulimu na bonahalile ka mikwa yemiñata, sina Hakile aezanga mwa masika a likeleke cwalo, mwa Maseli, ni zeñwi cwalo, sina Ha na bulezi ku Abrahama, ni ka manzwi amañata. Kono mwana mushimani yani asika fita kale... Cwale se lu fitile ku zona, mi mu ziba kuli Ni sweli fela kufituluka mwateni, kuli ni mi zibise nto ye. Kuli, Na cincize mubili wa Abrahama ni Sarah, kapili kasamulaho wa se, kuli ba kone ku amuhela mwana.

⁹⁶ Mulemuhe, sisupo sa mafelelezo sene ba nani, fani mwana asika fita kale, neli Jehova yana tilo ambola ni bona mwa mufuta mwa mutu. Ni mo ne ba zibezi kuli yo neli Jehova, kakuli Na bulezi kuli, "Abrahama," isiñi Abram. Ka mazazi nyana kwa mulaho wa fani, Mulimu na tilo cinca libizo la hae. "Ukai musala hao, Sarah?" Isiñi S-a-r-r-a; kono S-a-r-a-h, "mukwae."

Mi Abrahama ali, "Uinzi mwa tende, kwa mulaho wa Hao."

⁹⁷ Mi ki Hali, "Na," yeo ki tulokandina twa mutu, "Na ni ka ku potela kuya ka sepiso ya Ka. Ka nako ya bupilo, mazazi a tatama a twenty eiti, sesiñwi si ka ezahala ku Sarah."

⁹⁸ Mi Sarah, mwa tende, a menya ku yena anosi, mi ali mwa pilu ya hae, "Kana ze likona kuba cwani, haili fo na Ni supezi; ni be ni munyaka ni mulena ka, hanili ni yena usupezi, yo Abrahama?"

⁹⁹ Mi Lingeloi, kamba, Muuna yani ali, "Ki kabakalañi Sarah ha bulezi cwalo mwa pilu ya hae?" Mwa tende kwa mulaho wa Hae! "Ki kabakalañi hana bulezi kuli lika ze halikoni ku ezahala?" Mwabona? Muuna mwa nama ya butu, inge mupolofita, ibo Nali yena Elohim yana lemuha mulelo onoli mwa pilu ya Sarah, kwa mulaho wa Hae.

¹⁰⁰ Mi Jesu ali, "Sina mone kuinezi mwa mazazi a Lota, kona mo ku kabela fa kutaha kwa mafelelezo a lifasi, foo Mwana mutu," isiñi Mwana Mulimu, "foo Mwana mutu ha ka patululwa."

¹⁰¹ Ne li siyo mwahala lusika. Mwabona zwelopili ye petehile yani ya Mañolo? Fa lupila ku yona. Likunutu: nihaiba ka za kolobezo ka Libizo la Mulena Jesu, ni kuzwa kwa mulelo wa ba Oneness; ni lika zeñwi ze, kamo Moya o Kenile u zamaiselize sani mwateni ni ku si bonisa ka kupetahala; ni za Kolobezo ya niti ya Moya o Kenile, ili Sisupo, ni lika kaufela, ni ku libeya fateni; ni mwa Na li beezi ku muongaongi kaufela ni lika kaufela, ka swanelo yateni. Mi, mwabona, ona fapila meeto a luna, mi ha ki mwa lilulu. Za zibahala hala lifasi. Jesu, Mwana Mulimu, ya i patulula Iliyena ka Mañolo, kueza Liñolo lani (baba lelilwe isali lwapili kuto fita lizazi *la* kacenu, inge mone kuinezi mwa lizazi

lani, ni mwa mazazi *asili*) kuba lelipila. Ni ka ku Li lumela, kona bupaki bwa Moya o Kenile.

¹⁰² Kuluka, hamukoni kubulela zeo inge ka “kuya fela kwa keleke” kuli kona bupaki bwa Moya o Kenile. Haiba mueza cwalo, mi cwale ni Bafarisi bani neba na ni Ona. Mwabona? Hamukoni kubulela kuli “ku njanja ni kutulaka” kona luli... Haiba mueza cwalo, mahedeni bana ni Ona. Haiba muli “kubulela ka malimi,” kuli—kuli kulapela diabulosi ha ku buleli ka malimi? Muni bulele alimuñwi.

Muzwale Jackson yainzi fa kuya kwa Africa, uzwa kwa Africa, wakona ku mi bulelela cwalo. Ni bile mwa mafulo a ma Indian kwanu, ni boni baloi ba basali ni baana haba i pazaaula ili bona, ni kusela mali abona, ni kubulela ka malimi; mi—mi kipeto muloi wa li toloka, ni kuba bona haba beya potolotofafasi mi ñiola mwa mushobo usili. Konakuli zeo ha ki Zona. Kono haiba ki...

¹⁰³ Ki bufi bupaki bwa niti? Jesu ali, “Muna ni kulumela kuli ki Na Yena.” Mi ki Yena Linzwi.

¹⁰⁴ Kiñi hane ba si ka Li utwa? Kiñi Majuda hane ba si ka Li utwa? Nebali baana baba lukile; nebali baana babande; nebali baana ba bakenile, mi ne kuna ni mifuta ya batu kaufela; kono, ku bao baba lukiselizwe ku utwa Linzwi!

¹⁰⁵ “Mi kana muziba cwani kuli ki Linzwi? Mañi ni mañi ubulela sa kuli.”

¹⁰⁶ Ki sepiso ya Bibele ye bonahala mwa lusika lwa teni, ki fo cwale, konakuli mukutela kwa mulaho koo Moya o Kenile ufumaneha. Mutualimele mulumo wa Tolombita mwa mizuzu ye mi nyinyani, seo Li talusa. Tolombita, ki Tolombita ya Evangelii, ki mañi ya kona ku Li utwa. Muhipule, bani mwa mamota a muleneñi neba sa zweli kwande mwa nako ya tukuluho ya jubilee. Batili, sha. Nebali mwa mamota; neba inelezi ona mwani. Ne se ku felile; nebali batanga mwa bupilo bwa bona kaufela, mi nebana ni ku swaiya. Cwale sina halunze lubona mikwa ye, mulemuhe.

¹⁰⁷ Cwale, likezo ze, Malaki 4, mi ze kaufela, ni Maheberu 13:8, “Jesu Kreste ki ya swana maabani, kacenu, ni kuyakuile,” Yena u siyala Linzwi ona cwalo kuyakuile, ki Linzwi leli bonahalile. Sani kona sa Na bonisize kwa bapolofita. *Mupolofita* ha talusi fela kuli “ki muboni kamba ya laula za kwapili;” li talusa kuli “ki musinuli wa Linzwi leli ñozwi.” Mwa bupilo bwa hae, ka misebezi ya hae, u patulula Linzwi la lizazi lateni; sina Nuwe mwa na yahezi areka; Mushe kwa neku *lani*; seo kaufela; ni sepiso ifi kaufela, ili Linzwi la sepiso ya hola yateni.

¹⁰⁸ Cwale lu ziba kuli Una ni luna. Lwa lumela cwalo. Mu bona Linzwi la Hae ha li iponahaza, ka maswaniso, ka Mañolo, ni ka liponahazo mwa Lihalimu, fa lifasi, ni lika zeñwi kaufela za Na bulezi. Hakuna nihaiba nako iliñwi fo likile la palelwa. Ni buza

mutu kaufela kuli ani bonise, kuzwa mwa libaka ze shutana za naħħa, kamba mwa lifasi kaufela, muna—muna ni swanelo ya ku ni ñolela ni ku ni bulelēla, fo likile la palelwa. Kupetahala, linzwi ka linzwi, cwale, yeo ki sepiiso.

¹⁰⁹ Kiñi ha Na lukela ku bonahala mwa lizazi la maungulo le? Haiba mukutela kwa mulaho, ni mina bateeze ba tepe, kwa *Kota Ya Munyaliwa*, ni ku litisa ko ku inzi Kreste, Kota yani yeneli mwa simu ya Edeni. Adama wapili ya na wile; mi ni Adama wa Bubeli yo na bulailwe ka sibi. Neba Mu kokotezi fa kota ya Siroma, ni kuzwa mwani kwa taha... kwa zwa Kota ya Munyaliwa ya Na sepiisize, ye lu bona mwa Mañolo, cwale, ili kuli abe ni Munyaliwa.

¹¹⁰ Sina piramidi, mone libezi mwa bu nyinyani ka linako kaufela, kuzwa kwa butuna bwa mwa bukima; kuzwa kwa Luther, Wesley, Pentekota, mi cwale licwe la ku kwahela fahalimu liswana ni lunaka, mi leliñwi ni leliñwi la macwe ani a ngungahani ka swanelo yende ha beilwe hamoho. Mi ha lu zibi mone ba li ezeza, kono libeilwe hamoho ka swanelo mwa piramidi! Mi halu luti ka za piramidi cwale, luna fela...

¹¹¹ Enoke ni babañwi ne ba u yahile, myaha yefelile, mi li yemela siswaniso. Ki nto yeswana fela ni lizazi ha li pazula ni ku likela; ki nto yeswana sina kota ha iwisa li—li litali la yona, ni kukutela hape; inge tapi, ni likomu, ni lika kaufela ze li paka. Piramidi yani i yemela fela sisupo.

¹¹² Mukene mwa kashandi ka mupolofita mi mubone mihato ye supa ani. Kana neli—kana neli kai kwa na kopani mulibelei ni matata kuli atise mutahi fa pila mulena? Fa halimwa mahatelo; neli fa mahatelo a busebene. Fani ku bonisa kuli luna ni kutaha ka ona Moya o swana wani onoli ku Joani; na zibahalize Mesia. Nali yomutuna kufita bapolofita kaufela; na Li zibahalize. Mi luna ni kutaha fa sicaba sani, hape, ku sesiñwi se si ka zibahalisa Mesia.

¹¹³ Mi kana Mesia uka kona cwani... sicaba sesi Mu lumela ba ziba kuli konji haiba ba swalelēla mwa Linzwi, kuziba seo Ali sona! Daniele naize, “Baba butali baka ziba; kono haili likuba, baba sina ngana, habana kuziba. Ba ka ziba Mulimu wa bona.” Cwale, cwale, ka Mwa ka bonahalela mwa mazazi a maungulo, ki kutisa sicaba kukutela kwa Linzwi, ili kuli Munyaliwa a zibe Muuna Hae, a zibe Mulikana Hae, yena Linzwi leli patuluzwi. Ki kabakaleo ze lina ni ku ezahala.

¹¹⁴ Neli siyo mwahala baongaongi; neli siyo ku Luther, Wesley, ni—ni mwa Mapentekota, ni babañwi. Mañolo abulela kuli ne ku si cwalo.

¹¹⁵ Kono li ka taha. Yani kona sepiiso ya Hae kwa lusika. Lu pila mwa lusika lo lukaba ni Kutaha kwa Hae. Una ni ku zibahala ku Yena. Musali ufi kaufela una ni ku zibahala ni muuna hae, kakuli bababeli ki alimuñwi. Mi Munyaliwa wa Kreste una ni ku

zibahazwa ni Yena, kakuli bababeli bao ki Alimuñwi; mi Yena ki Linzwi, isiñi kopano. Lona Linzwi! Luna ni kuba bana ba Liseli, mi Liseli kona Linzwi le li ezizwe Liseli la lusika loo. Kana lu ka ziba cwani Liseli kwanda kuli Li zwelela kwa Linzwi? Ku lukile. Linzwi leli ezizwe nama kona Liseli la lusika; ha mu Li bona, mi ni Bibele ibulezi ona cwalo.

¹¹⁶ Batu bani bene ba talimezi Jesu kwani, ni kubulela kuli, “Kihande, Muuna yo, ki Yena Mañi? Kiñi, U pepilwe, ali mwana wa mwa bucwani. Kiñi, Ndatahe ni mahe ki wa *se, sani*, ni *sesiñwi*, ni ze kaufela kwani.” Kono ne ba si ka Mu ziba. Kambe ne ba ziba Mañolo, neba ka Mu ziba. Na bulezi cwalo.

Neba ize kuli, “Luna lu balutiwa ba Mushe!”

¹¹⁷ Ali, “Kambe mu muzibile Mushe, ne mu ka Ni ziba nina, kakuli Mushe uñozi za Ka.” Kono niteni nebali libofu kuli ba Li bone!

¹¹⁸ Mwabona ku ishuwa kwateri? Kwahule ni sicaba kaufela, ni likopano, ni lituto za litumelo, ni lika kaufela. Mulimu na keni hande mwa nama, mwa mufuta wa Mutu, nali Muliululi wa Lubasi.

¹¹⁹ Una ni ku zibahala ni Yena. Lu memilwe kuli lube bana ba Liseli, kuli lu zamaye mwa Liseli.

¹²⁰ Ni hupula kwa Kentucky, kwanu ha ki kale hahulu, Ne nina ni mukopano. Kwande, kasamulaho Ni mano zwa mwa keleke, kuli ne kuna ni muuna muhulu yana yemi, ni lumonyi mwa lizoho la hae. Neli wa kwa keleke ye sa lumeli mwa foliso, ni zeñwi cwalo. Ali, “Na—Na ni ya shutana ni wena, Muzwale Branham.”

Se nili, “Kihande, una ni tukelo ya kueza cwalo.”

¹²¹ Yena ali, “Wa bona, Hanina kulumela nto ifi kaufela konji haiba Ni ibona. Nina ni ku i bona, hande patalaza.”

¹²² Se nili, “Cwale u kile wa bona fateni Mulimu, hande patalaza, inza yemi fapila hao?” Kakuli, na sa lumeli mwa lipono ni lika zeñwi.

Mi ali, “Batili.”

¹²³ “Kiñi,” Se nili, “konakuli kanti ha mu balumeli, sha. Hani koni kubulela ku wena. Mwabona? Mwabona? Lu bona seo Mulimu a sepisize kipeto lu kumalela ku Zona.”

¹²⁴ Mi ali, “Kana utalusa cwani foo?” Se nili . . . Na bulezi kuli, “Utahe, luye kwa ndu hamoho nina lu yo ikambota busihu bo.”

Se nili, “Hani koni; nenika lata cwalo. Upila kai?”

Mi ali, “U fitelele lilundu le kwanu.”

¹²⁵ Se nili, “Kana uka fita cwani kwani? Ha u boni ndu ya hao.” Uh-huh. Uh-huh. Eehe. Eehe.

Mi ali, “Kihande, kuna ni nzila yefita fahalimu a lilundu.”

Se nili, “Ha u i boni nzila yeo.” Uh-huh.

Ki hali, “Kihande, Nina ni lumonyi.”

¹²⁶ Se nili, “Lumonyi haluna ku bonisa liseli fa ndu. Oh, batili. Kono nzila yani ika ku fitisa kwa ndu. Kono lumonyi lwani luka ku bonisa fela muhato ulimuñwi ka nako.”

¹²⁷ Luka zamaya mwa Liseli, ki Liseli lelinde; muhato ulimuñwi ka nako, Mulena, kutaha bukaufi ku Yena. Eehe. Bana ba Liseli, mu amuhele Linzwi la Hae, muzwelepili ku zamaya ni ku libona ha li putuluha. Musike mwa Li siya, hakuna taba kamba ki sikamañi sa bulela mutu. Mupile hande ni Lona mi mutundamene ku zamaya ni Lona, mu Li talime ha li putuluha lona Liñi. Linzwi ki Peu; peu ye mwa mubu o munde ika tahisa za mufuta wa yona.

¹²⁸ Mulemuhe Sinulo 10:1 kuisa 7, likunutu kaufela lina ni ku patululwa ku Munyaliwa, ki mulumiwa wa Keleke ya Laodesia. Kana kuna ni yana ni Bibele ya Revised Version? Haiba muna ni, mu ka lemuha fo ibulela kuli, “lingeloi,” li beilwe mwa tukutwana mi ili, “mbande.” Mwabona? Uh-huh. Uh-huh. Mwabona? Mulumiwa kwa—kwa Keleke ya Laodesia, mwabona, Sinulo 10:1 kuisa 7.

¹²⁹ Mi abulela cwana kuli . . . ka lizazi lani a Mu bona inza taha fafasi, mi aca buka ye nyinyani. Mi ne kuna ni . . . “A hata liutu leliñwi fa mubu, mi leliñwi mwa liwate, ni kutapanya ka Ya pila, kamita ni mita, kuli, ‘Hakuna nako ye siyezi.’” Mi A mano eza cwalo, Mishika Yesupa ya utwahalisa kwa manzwi a yona. Mi cwale Mishika Yesupa imano utwahalisa kwa manzwi a yona, Joani ali na bata kukala kuñola. Mi Yena ali, “U si ñoli Zeo.” Uh-huh. Mwabona? Mi a Li kwahela.

¹³⁰ Cwale, yomuñwi naize, “Kihande, Maswayo Asupa ani, kanti, Muzwale Branham, zeo lika patululwa mwa mazazi a maungulo, kikuli ki likunutu zetuna zeñwi za ku sutelela ku Mulimu nji?” Batili, sha, haku koni kuba cwalo.

¹³¹ “Yo kaufela yaka zwisa Linzwi lililiñwi kwa Bibele ye, kamba nihaiba ku ekeza linzwi leliñwi ku Yona, siemba sa hae si ka zwisa kwateni, kwa Buka ya Bupilo.” Ki sikamañi seo, ki sinulo ku sesi tondahalile kwa mulaho kwani, ku tisa. Li ñozwi kale Mo. Li mwahali Mo. Ki ku patulula se si ñozwi kale. Mwabona? Kakuli, hamukoni ku ekeza nto iliñwi ku Yona, kamba ku zwisa kwateni Linzwi ku Yona.

¹³² Kauhanyo yapili ya Sin- . . . ya—ya Bibele, kwa simuluhu, Genese. Musali alimuñwi na si la Li lumela, kono na li tolokezi musili, na lumelelize Satani ku mu tolokela lona musili, linzwi lililiñwi, “kaniti.” Mwabona? Mi cwale, kuzwa fani, kona ko kuzwile matata a kaufela. Mi yani neli Mulimu yana bulela, ki Linzwi la Mulimu.

¹³³ Mi mwa kauhanyo ya mafelelezo ya Sinulo, Jesu yena Kasibili, yena Mulimu yaswana, naize, “Yo kaufela ya ka zwisa Linzwi lililiñwi kwateni, kamba ku ekeza linzwi ku Lona.”

¹³⁴ Ye ki sinulo yetezi ya Jesu Kreste. [Muzwale Branham unata Bibele ya hae—Mu.] Mi Maswayo Asupa nanani likunutu ze patilwe, ku zeo kaufela nelili mwahali Mwani; mi Lina ni ku kwalulwa mwa lizazi la maungulo, kwa lusika lwa Laodesia, kwa nako ya maungulo. Ku lumbwe yena Mulimu! Sani si feleleza Liñusa kwa Keleke. Sani sa Li feleleza hande. Ha ba talimwa kwa mulaho ni kubona sene si banga teni, ni kubona ko lifile cwale, kipeto seo sa Li feleleza hande, lona lusika lwa Keleke.

¹³⁵ Mulemuhe litolombita ze lu bulela fateni, ki pizo ya kutaha hamoho ikona kuba kutaha kwa mukiti, kwa ndwa, ku mutu, kwa lizazi le li butokwa leliñwi, kamba nto yeñwi ye cwalo. Mulemuhe. Mu li, “Ku mutu?” Eehe. Kamba, kwa mwaha wa tukuluho, zibahazo ya kutaha kwa tukuluho, hane baka kuta; cwale, neluka nga kakusasana kaufela otezi fa taba iliñwi yeo. Kono, cwale, kukena mwa litolombita. Muna ni za makalelo a teni cwale, ka za Maswayo ni Keleke, cwale lukena mwa tolombita. Tolombita ne i liziwa, mi tolombita ikona ku yemela ndwa, kamba mukiti. Kamba, seo italusa, ki, “ku kopana hamoho kwa sicaba,” kona tolombita.

¹³⁶ Paulusi naize, “Tolombita ha i lila mulumo o sa ketehani, ki mañi ya ka itukiseza za ndwa, kamba za kozo, kamba seo kaufela sili sona?” Ki mañi ya ziba? Muna ni ku ziba milumo ya tolombita.

¹³⁷ Kabakaleo, cwale tolombita ha i lila, lu bona nto yeñwi mwa lifasi kacenu. Kuna ni butata bo butuna kokuñwi. Mañi ni mañi wa ziba cwalo. Mañi ni mañi sa bile ya takana. Lifasi kaufela ki lifasi la kutakana, mi lu ziba kuli kuna ni nto ye fosahalile. Ba Pentagon, kai ni kai, lu ziba kuli kuna ni ze fosahalile.

¹³⁸ Cwale, mukwa fela o mukona ku zibela mulumo wa tolombita, ki ha mutualima fa Pampili ya Lipina se ibulela. Kipeto kihona. Ki musebezi omutuna wa muopelelo, mwabona, ni kuliza ka kunata.

¹³⁹ Sina, *Pitrosi ni Sitongwani*, mwabona, hamu ka...haiba nji... Mi mi—mi muñoli ha ñozi buka, kona kuli mucaindisi ulukela kuba mwa moyo o swana ni wa muñoli wa pina. Haiba ha yo cwalo, uka i liza ka mafosisa, mi kipeto nto yeo kaufela ke i sinyeha.

¹⁴⁰ Seo kona sesili butata kacenu. Luna ni bacaindisi babañata hahulu mwa... baba siyo mwa Moya wa Muñoli wa pina. Ba bulela kuli, “Kopano, kihande, luna lu lumela cwana.”

¹⁴¹ Hakuna taba ka se mu bulela, Bibele i lukile. Mu ilize hande kuya ka Pampili ya Lipina kwanu fapila yona, kona kuli musebezi omutuna wa likezo za Mulimu u ezahala fela hande ka swanelo, kona kuli lwa kona kubona hola ni fo lu yemi.

¹⁴² Cwale mulemuhe, tolombita ina ni kubiza hamoho sicaba, kuli ba kopane hamoho bakeñisa nto yeñwi. Fokuñwi ikona ku talusa mutu yomuñwi ya butokwa.

¹⁴³ Sina ku Josefa, neba lizanga tolombita, mi kipeto Josefa wa bonahala; yeneli fela—fela sisupo sa “Tolombita Yetuna” yona ye lu bulela fateni, ni kufita ku yona kasamulaho nyana, mwa Isaya. Ye bulela kuli, “Fani Tolombita Yetuna hane iliziwa, fo ndembela yani haika nanulwa, ka fani; kipeto ku ka taha nako fo Tolombita Yetuna haika liziwa, mi linaha kaufela li ka kopana mwa Jerusalema.” Fani kona fo ku ka kalela Mileniamu; yona Tolombita Yetuna.

¹⁴⁴ Cwale, pizo ye, ya mukiti wa litolombita, ki ku bonahala kwa nto yeñwi. Mulemuhe Sinulo 8:7, haiba mubata kuñola. Lu lemuha Tolombita Yapili, kwa nela pula ye sabisa, ya mali, ni mulilo, mwa lifasi; ona cwalo fela ni Mututo, fani Mulimu hana bizeza sicaba sa Hae kwande, kuli babe mwa mututo.

¹⁴⁵ Cwale, libaka leo Litolombita Zesupa ze ha li sa lumelelani ni Keleke ye ni lusika lo, kakuli ki za Isilaele fela. Ki pizo, ya ku kopana kwa sicaba. Mi cwale kuna ni fela butokwa bulibuñwi mwahali mo bo Ni bata kufita fateni, mwa mizuzu fela yelikani, kona ko muka bona kuli ze kiñi ha li sa zamaeleti kwa lusika lo lupila mwateni; ka Litolombita Zesupa.

¹⁴⁶ Ni ziba kuli batu babañata ba shutana ni zeo, kono Ni ziba kuli ki se. Na ziba cwalo. Isiñi kakuli Ni bulela kuli mu bulela cwalo; kakuli, Hani si ka ikupulela zona. Mu—mu muhupulo waka ha ki waka. Seo kaufela se si Ni bulelezi, haiba Si fosahalile, kona kuli si fosahalile. Kono ha Ni li buleli ka na fela, Ni bulela ka sa bulezi mutu Yomuñwi. Mutu Yomuñwi yo ki Mulimu ya bulezi ku luna ni kueza lika ze kaufela zona Za ezize, ni ku bonahala, mwabona, kacwalo Ni ziba kuli li lukile.

¹⁴⁷ Ku—ku kopana kwa Isilaele ki Litolombita. Litolombita ki za ku kopanya Isilaele. Mulemuhe, yona Tolombita ya Pili luli ha i lila; mali, mulilo, liñungwa, ni lika kaufela, ku shandaula mubu. Mwabona? Ki sikamañi sa Na eza? Neli ku zwisa Isilaele mwa Egepita ya moyo, mwabona, ku kutela mwa naha ya habo yena.

¹⁴⁸ Cwale mutuhele ni bulele cwana ona fa cwale, kuli, Tolombita kaufela yene liziwa, ne ilizelizwe mwatasa Liswayo la Busilezi. Lu ka fita ku zona mwa mizuzu yelikani, kone lu sweli Liswayo kwani. Litolombita kaufela ne li lizelizwe mwatasa Liswayo la Busilezi.

¹⁴⁹ Kakuli, Liswayo la Busupa, ne kuna ni kukuza. “Hakuna ya na ziba; wani neli muzuzu kamba hola yeo Kreste na ka taha,” sina mwa Na li patululezi ku luna.

¹⁵⁰ Kono Tolombita kaufela ne ilizelizwe mwatasa Liswayo la Busilezi, mwatasa nyandiso ya Majuda. Mulemuhe, Sinulo cwale, 8, ni ku kalela fa timana ya bu 7. Zeo kaufela neli ku bizwa kwa Isilaele, ka nama, mwa Egepita; cwale ki ku bizwa kwa Isilaele, mwa buino bwa moyo. Na sweli ku ba baakanyeza kutaha kwa mukiti wa Swalelo.

¹⁵¹ Mulemuhe, mukiti wa litolombita neli wapili, wo noli pentekota. Mukiti wa swalelo ne u tatami mwa mulaho, mazazi a mashumi a ketalizoho kasamulaho. Mukiti wa swalelo, lu li balile fa. Lukaba, na sepa, haiba luba ni nako, lu ka swanisisa ku zona ni kubala ka zona mwa Bibele, mo mwa Levitike 12, cwale, kamba Levitike 23, nitaluse, ni Levitike 16. Lu fumana kuli wa pili neli mukiti wa—wa litolombita. Neli wa swalelo ni wa...kasamulaho wa latelela pentekota, cwale lu fumana kuli...Mukiti wa swalelo no latelela mwa mulaho wa mukiti wa litolombita.

¹⁵² Cwale mulemuhe, Tolombita ne iliziwa, mi sani neli ku ba kubukanya hamoho. Cwale, Tolombita Yapili ya liziwa, kwa taha mbundu, mali, mali, ku to selaela fa lifasi, ona cwalo fela sina mo ne kuinezi mwa Egepita, ku baeza kuli ba itukiseze Lizazi la Swalelo. Mwabona? Ba hana Swalelo ya niti. Mi lilimo ze li ekezehile mwahali mo, se kubile mwaha wa pentekota. Mwabona? Cwale ku liza kwa Majuda kona ko ku tatama.

¹⁵³ Ye ibile pizo ya ku bizeza Keleke kwande. Mutualime hande ka tokomelo. Cwale, zeo, kasamulaho, A baisa kwa naha ya sepiso; mi mane Uka eza nto yeswana, ku zeo, mwa siswaniso, Ünga Keleke kuya mwa naha ya sepiso.

¹⁵⁴ Muhupule, Tolombita kaufela ne ilizelizwe mwatasa Liswayo la Busilezi, ki mona fela mo ne li lizelizwe.

¹⁵⁵ Mulemuhe cwale, ka swanelo, zwelopili ya Mañolo, ona cwalo ka kuswana. Mwatasa Tolombita ya Busupa, ki kwa Isilaele ka nto yeswana sina Liswayo la Busupa mone liinezi kwa Keleke. Lu fumana, mwatasa Liswayo la Busupa, kuli cwale miyo yani yeneli mwatasa aletare kwani, yene amuhezi liapalo...Ne i filwe liapalo, isiñi kuli ne i ipumanezi zona, kakuli neili mwa sibaka fo Mulimu ha na sa talimana ni Bamacaba ka sishemo, isiñi Majuda. Isilaele i piliswa ka kuba naha. Mulimu utalimana ni Isilaele ka kuba naha. Bamacaba ki “sicaba sa Libizo la Hae,” ha ki naha ya Libizo la Hae. Isilaele!

¹⁵⁶ Mi cwale Hitler ni babañwi hane ba nyandisize Majuda, mi ba eza lika zene ba ezize mwatasa lika zani; mutualime, bona, Stalin, Hitler, ni bani kaufela bene bali bahapelezi ba lika ba taha. Kambe luna ni nako, kuli, lu li toloke hande kwa baeñi, kono lu se lu fitile ku zona. Mwatasa lusika lo luswana lwani, ze bile mwa Germany ni—ni mwa linaha zeñwi kaufela, Majuda ba hasanezi mwa naha kaufela. Kono ku tahile cwalo, mwa lilimo ze mashumi amabeli ze fitile, nyandiso ye buhali ku lwanisa Majuda.

¹⁵⁷ Ni bile kwande kwani ko ba cisenga mibili ya bona, ni ku omisa, ni ku itusisa...kuitusisa mufuse wa yona kuli ube mununo mwa mubu, bana ba Sijuda, ni basali, ni lika kaufela. Mi balika ku li latula; ku li zuseza kwande ni ku ba bonisa zona ko li ezahalezi.

¹⁵⁸ Iibile nyandiso ye butu ku amana ni Isilaele, kakuli seli nako ya ku mi biza kukutela kwa Swalelo. Usali mwatasa swalelo ya ngunyana ya nama. Haili Ngunyana ya niti ya Mulimu kona Swalelo tenyene, mi u I hanile, mi Mali abile fa halimu a hae ku zwelela kafoo. Mulemuhe, ili ku lukisa sicaba! Kanti ki kupetahala ko ku cwani kwa Tolombita ya Busupa ni Liswayo la Busupa, kupetahala hamoho, ki nyandiso ya Majuda.

¹⁵⁹ Mulemuhe, mwa Sinulo kauhanyo ya 19 ni timana ya 13, cwale mulemuhe ka tokomelo cwale, mwatasa Liswayo la Busilezi. Sinulo 9:13, mwatasa Tolombita ya Busilezi, mulemuhe, neku na ni bapahami ba lipelesa baba kuma fa tu handeleti sauzande bene ba tamilwe mwa nuka ya Euphrates, bene ba tamuluzwi mwatasa Tolombita ya Busilezi. Cwale hakusana bapahami ba lipelesa baba kuma fa tu handeleti sauzande mwa lifasi; kono nekuna ni bapahami ba lipelesa baba kuma fa tu handeleti sauzande. Mulemuhe zeo. Ni bata kuli muñole zeo, kuli mu yo ipalela.

¹⁶⁰ Ne si lipelesa za nama. Ne li buyela mulilo, mi ne lina ni lisilelezo za fa sifuba za jasipa, mi—mi ne linani mihata. Mi kwa mafelelezo a muhata ne ku bonahala inge noha, inge toho ya noha kwa mafelelezo a zona, ne iluma. Mwabona? Neli lipelesa za moyo, miyoa ye lunya ya diabulosi, ye halifile, yene tamilwe mwa Euphrates myaha ye kaufela, miyoa ye lunya ya diabulosi ye ipitezi. Neli sikamañi sani? Cwale MPI ya kale ya Maroma ne inze ibupiwa sincea; kuba nyandiso ya Majuda. Ne ba tamilwe ku batoeza myaha ye likana likiti zepeli, kwa nuka ya Euphrates, habakoni ku silelila kwa sepiso; ka kuba kakwata ka bulapeli kene ka lika kusilela kwa buse. Euphrates, mwa ziba, ifitile mwa Edeni. Kono ne ba tamilwe mwani, miyoa yelunya ye tu handeleti sauzande ya diabulosi ya nyandiso.

¹⁶¹ Mi amulemuhe se si eza hala mwatasa Tolombita ya Busilezi. Ne ba tamuluzi Majuda bani; nyandiso ya Majuda. Miyoa ye lunya ya diabulosi, bukaufi ni myaha ye tu sauzande, mi ya tamululwa ki Stalin, Hitler, fahalimwa Majuda. Mu li, “Kihande, zani ha ki za Siroma.” Ki moyo o swana. Ba ezize lika ze swana ze ne ba ezize kwa Bakreste, mwa mazazi a buhedeni bwa Roma ya kale. Cwale mutualime Isilaele ya nama, ni Keleke ya moyo cwale, halunze lu li kauhanya fa. Ne li tamuluzwi kwa Majuda.

¹⁶² Mwa hupula, mwatasa Liswayo la Busilezi, kuli mutu ni mutu wa babulaiwa bani, kuya—kuya ka Linzwi la Mulimu, ba amuhela liapalo. Ne li filwe ku bona ka sishemo, kakuli ba foufalizwe kuli ha bakoni kubona Evangelia ya bona, kuli sicaba se si bizezwe kwande a Bamacaba ka—ka Munyaliwa. Ne ba filwe liapalo, Bibebe ya bulela fa, mwatasa Tolombita. Bona Majuda bani, baba Iwanissa Kreste luli ni lika kaufela; libaka le bali cwalo, kakuli Bibebe ibulezi kuli ne ba bile libofu. Mi ne ba bofalile bakeñisa mina. Mi Mulimu uziba kuli neba ka Li

amuhela, kono neba ezizwe libofu bakeñisa mina. Bibebe ibulezi ona cwalo.

¹⁶³ Ki yani mpi ya Maroma fani, itamilwe kwani ka (sikamañi?) ka mata a bulapeli. Ao, Rome, yena Rome wa buhedeni yana tiloba Rome wa bu popu, mi na tamilwe mwani ka lizo za hae za Bukreste. Ki siemba sifi sa Mukreste, ni—ni ku akaleza kone kubile teñi ka za Rome yana beile zeo hamoho; milapelo ya basali, ni mikwa yeñwi ye kaufela ni miinelo ya yona, ni mazazi a Kilisimasi, ni mazazi a mionda ye kenile, ni mazazi a kenile, ni lika zeñwi. Li tamilwe ka sona sizo sani se li sa koni ku tamulula, kakuli ki ze lwanisa milao ya Bukreste. Isali kutokwa bumulimu ka kuswana, moya wa buhedeni! Mi moya wani u swasehile mwa linaha za lifasi, kuya ka sipolofita sa Ezekiele ni babañwi baba siyezi.

¹⁶⁴ Mi ne i tamuluzwi kuya kwa Majuda, bene ba sa zibi zeñwi ka Moya. Ki zeo likunutu za mina ze patilwe mwatasa Liswayo mwani. Mwabona? Mu lemuhe cwalo. Lu fitile ku zona. Mi Ni ka mi bonisa Tolombita ye fa, yona Tolombita ya mafelelezo ye, se si ezahala. Ki ani fani. Litolombita ze li tamuluzwi kwa Majuda, (kikuli ha muboni nji?) isiñi ku Bamacaba. Bamacaba, fani Maswayo ani ha na kwaluhile, bona ba swailwe; nako i felile; Keleke i bizizwe.

¹⁶⁵ Mwa hupula pono ka zazi leliñwi? Muhupule mu... mubonahalelo wa yona wa pili? Ki babakai baba hupula, Sunda yaale kwa mulaho? Ka mo ne libezi ka swanelo, mo ne litezi. Ne lu i boni, ka kupetahala, ne lu boni masila ami, lika za busafa ha litaha, ze bizwa kuli keleke, butanya ka kufeleleza. Mi Munyaliwa yomunyinyani yani, wa naha kaufela, yomuñwi ni yomuñwi wa bona na apezi sina naha kwa na zwelela, inge ba zamaya fela ka swanelo fapila Mulena.

¹⁶⁶ Mwa lemuha, ku kaba nako, fokuñwi, ha ba kali, “Kihande, Ne ni hupula kuli Keleke ika fita mwa nyandiso. Ne ni hupula kuli kukaba Kuungelwa.”

“Li ezahalile kale mi no si ka ziba.”

Sani kona sa Na bulezi ka za Joani nako yeñwi, mwa ziba.

¹⁶⁷ Nebali, “Ku cwani, kiñi bapolofita ha ba bulela bali... ni bañoli, kuli Elia u swanezi kutaha pili?”

¹⁶⁸ Yena ali, “U tile kale.” Mi mane neba balutiwa ne ba sazibi. “Ne ba ezize ku yena mone ba latela.”

¹⁶⁹ Kuungelwa ku kaba ka nzila yeswana. Mwa—mwa hola ya... Na sepisize kueza cwalo. Na si ka sepisa ku bonisa Elia ka mukwa o cwalo, kono Na sepisize kunga Munyaliwa ka nzila yeo. “Mwa hola ye mu sa nahaneli,” ikaba kucinca fela, mwa nako ya ku kobia fela kwa liito, kukaba ku ngelwa ku ikela. Kipeto mu siyezi, konakuli ki yona nako yeo!

¹⁷⁰ Myaha ye likiti zepeli, ona moyo wo mwahala sicaba sa Maroma, ili keleke ya Siroma, neisika shenya. Kono ona moyo o swana wani wa taha, pili, kukena ku Mussolini mwa Rome, yena muhapelezi. Mwa ziba ze ketalizoho... .

¹⁷¹ Lika ze supile za Na ni bonisize, mwa '33, likato ezahala. Ze ketalizoho za zona li ezahalile. Doctor Lee Vayle usweli kuñola buka ka zona cwale. Mwabona? Lika ze ketalizoho, ka kupetahala, mi ku siyezi fela lika zepeli fela kuli liezahale. Naize, "Li ka ezahala ku sikaba kale Kutaha kwa hae." Ki luna ba kwa mafelelezo cwale, mi ku bonahala kuli nto ya bu silezi yani isweli kutaha i pahama kutaha. Mwabona? Ka kupetahala, ona cwalo, nihaiba lindwa ni mo li ka ezahalela, ona cwalo luli ka buino bwa zona, mi hakuna nihaiba nako iliñwi ye likile za mbwinja.

¹⁷² Amuteeleze, balikani, lu swanelu ku talimisisa ka hola kaufela. Ha mu zibi fo u yemi. Ka tokomelo luli!

¹⁷³ Cwale, cwale u tamuluzi, fa halimu, mwatasa Liswayo la Busilezi lani, ona moyo ya madimona akuma fa tu handeleti sauzande, ne li kalezi mwa Rome, Germany, Hitler. Mi mulemuhe mwa Bibele, kone li amuhezi, kwali kuba... Neli amuhezi mata sina malena, kono neli si ka fiwa mushukwe ya bulena. Muhapelezi ha tinisiwangi mushukwe wa mulena; u amuhelanga fela mata sina mulena.

¹⁷⁴ Oh, Moya wa Mulimu usweli ku zamaya ku na cwale, mwa ziba, ku bulela fela sika. Hani zibi mwa ku si bulelela, kamba sa kubulela, mi mwendi Ni sike na bulela mane.

¹⁷⁵ Mulemuhe, tu sau-... handeleti sauzande madimona na tamululezwi Majuda bani, hane baba cisa, ne baba takisize. Neba beile mulola mwa misinga ya bona. Baba bulaya, kufitela ba tokwa kuba ni mafula a ku ba bulaisa ka ona. Mi ba ba kunupa, kufitela ba felelwa ki malumo a ku ba bulaisa. Mi ba—mi ba eelize lika kaufela ze ne bakona kueza. Ne ba cisa mibili ya bona ku i omisa, ni lika kaufela; ni ku nyendaelisa fa makwakwa, bana ni babañwi kaufela, batu ba basina mulatu. Kakuli nebali Majuda, neba eizizwe ona cwalo. Kono Mulimu naize U file mañi ni mañi wa bona sapalo, hakuna taba ka mo ne ba inezi; kono sishemo sa Hae neli kuba foufaza kuli luna lukone kubona.

¹⁷⁶ Liswayo la Busupa ha li si ka kwaluha kale, mwa ziba. Kwani ki Kutaha kwa Hae.

¹⁷⁷ Kacwalo haba sali mwatasi mwani, kono, Wa lu bonisa zona fa, mwa mubonelo wa makalelo. Sina Joani, Na mu ngile.

¹⁷⁸ Mi nako yeñwi, inge ba zamaya fa liwate, mwa ziba; abulela kuli, "Ku cwani ka muuna yo ya yendamezi fa sifuba ya Hao?"

¹⁷⁹ Mi ali, "Ki butata mañi ku wena haiba apila kufitela Ni taha?" Mwabona, na si ka pila, kono Na mu ngezi kwa lihalimu

ni ku yo mu bonisa zani, ona taba ye ne ezahalile kufitela A taha. Neli ku mu bonisa fela, ku patulula mulelo kaufela ku Joani.

¹⁸⁰ Mulemuhe, lu fumana cwale kuli mata ani a butu mwatasa za butu, kwa na ha ya butu, Isilaele, na tamuluzwi kwani. Mi ne ku ezahalile sikamañi? Ne si ilo eza ndwa, ni mo ne si i bulaezi ni ku nyandisa.

Cwale mwa sibaka sa za bulapeli bwa zona! Ni...kana ni mina...

¹⁸¹ Ni sepa kuli Mulimu a kwalule meto a mina ku se cwale. Kakuli, Ni lemuha kuli taba ye hai bulelelwi fela kwa keleke ye kwanu. Tepu ye iya kwa maneku kaufela a lifasi mwa butuna bwa lona. Mi ha Ni talusi ku foseza maikuto a mutu ufi kaufela, kono ki kubulela fela Niti.

¹⁸² Cwale siemba sa za bulapeli si kwaluhile, kuzwa kwaancafazo ya butu bwa Rome wa buhedeni, ne ikeni kwa Majuda bani, ili nto yebile sila sa bona kamita. Tau, ni meno ni lika kaufela, na luma ni ku lobaka batu. Rome, kamita ibile sila sa Mulimu! Mi ne li tamuluzwi mwa moyo o swana, ka bahapelezi ba mibuso ya lifasi, kakuli mulao wa bulapeli no sa swalelezi. Cwale u tamuluhile.

¹⁸³ Si ezize nto mañi? Mwa “butali,” sina ha Na bulezi kuli, uka taha sina ya ziba hahulu kubulela. Mi ki sikamañi sa ezize? U sweli kutisa Katengo ka ba Kutwano ya Likeleke za Baipanguli za Lifasi, ili moyo wa antikreste fahalimwa bona bababeli, ku batisa kwa ku bulaiwa, inge fela mo ne ba ezelize ku babañwi, mwa hola yene ba lukela kubiza Munyaliwa. Ka mukwa ufi? Wa ku tamulula moyo wa bulapeli bwa keleke. Ku tamululelwaisikamañi? Isiñi kwa likopano; ku Munyaliwa! Kono fa mu ka li utwisisa, Munyaliwa hana kufita mwa nako yani. Bibele ibulela kuli hakuna kuba cwalo. Kono keleke ika fita ku zona, kono isiñi Munyaliwa. Kana hamu boni nji? Bakutazi, kana hamuboni cwalo, bana bahesu?

¹⁸⁴ Mu li, “Keleke ina ni kukena mwa nyandiso, kuli ibe—kuli ibe ka kupetahala kwa Yona.” Mali a Jesu Kreste a petahalisa Munyaliwa.

¹⁸⁵ Muuna ya keta musali wa kunyala ha mu beyanga mwa ziezi yetuna; kakuli sa fumanikale sisshemo, niyena, kakuba ni musali; ni yena musali ufumani sisshemo ku muuna. Yena—yena wa mu beeleeza. Mi, haiba kuna ni sika kaufela, uka mu bukeleza kwa sibaka kaufela se si kona ku mu fetuhela. Sisshemo sa hae si ku yena.

¹⁸⁶ Mi kona mo ku kabela ni ku Munyaliwa, mi kona mo kuinezi ku Munyaliwa. Luna libupiwa ze sa swaneli, ne lu swanela fela lihele, kono sisshemo sa Hae sa lu bukeleza ku zeo. Mutualime buñata bwa balatehi ni libofu! Ki babakai, neli baeza libi baba kai bene baliteni mwa lifasi, ka nako ye Ni piliswa! Mulimu na ni pilisize ka mulelo; mi Ni tamehile, ka tato ya Hae, kueza ona

mulelo wani. Hanina taba kamba sika kaufela si zamaya cwani; Na ni bata kueza ona cwalo.

¹⁸⁷ Mi mwa nako ha Ni bona likeleke kaufela, ni kutuumma kwa zona kokutuna, “ni sifumu, mi hakuna ze batokwa,” ba li; ni ku bona, ba nyandile, ba zielehile, ki libofu; mi ba mi nata fa maheta, ba bata kuli mu keshebise ni bona. Ne ni pepezwi mulelo omuñwi, fo ki kunyaza nto yeo ni ku bizeza zeo kwande. Ze kona ze Ni ka eza.

¹⁸⁸ Muhupule, Jesu hana tile mwa lifasi, nekusina sicaba mwa lifasi se si kuma fa mwanda se ne si ziba kuli Na liteni fa. Na tilo nga sikhata se si ketilwe sani. Ali, “Hakuna mutu ya kona kutaha ku Na konji pili Ndate A mubize. Mi kaufela bao Ndate anani,” tensi ya kale, “bao ba Ni file, ba ka taha. Ba ka li ziba. Ba ka Li utwa.”

¹⁸⁹ Mulemuhe kutamuluha kwa moyo wa bulapeli wo. Cwale myaha ye mashumi amabeli kasamulaho, kasamulaho wa ndwa yani, lwa bona kutamuluha kwa moyo wa bulapeli. Mwatasi a sikamañi? Liswayo la Busupa; Tolombita ya Busupa kwa Majuda.

¹⁹⁰ Mutualime ku unsufala kwa kweli. Mwatasi a sikamañi? Mwa ibona ha i swanisizwe, Mwana mutu u kashelizwe kwande a keleke.

¹⁹¹ Ki sikamañi sani? Ku i kopanya kwa sikhata sa bulapeli. Ki—ki muzamao wa swaliso, mi ni Katengo ka Likeleke za Lifasi, li lelekile mutu kaufela . . . Kana sika seo si yemela nto mañi? Kiñi, muna ni ku itoboha lituto kaufela za bulumiwa ni lika zeñwi. “Kana bababeli ba ka zamaya cwani hamoho kwanda kuli ba lumelelana?” Ha bakoni. Jesu naize kuli ha bakoni. Kana keleke ikona cwani, ba Methodist ni ba Baptist ba zamaye hamoho? Kana Keleke ya Kreste ikona cwani ku zamaya ni ya ba Presbyterian? Kana ya Katolika ikona ku zamaya cwani ni ya Baipanguli? Kana Muipanguli uka zamaya cwani ni Muipanguli?

¹⁹² Kono haili Munyaliwa u kona ku zamaya ni Linzwi, yeli yena Kreste. Lina ni kuba mwa tumelelano. Isiñi ka mulao wa za bulapeli; kono wa Linzwi. Mu lukela ku lumelelana ni Linzwi, ku zamaeleta ni Linzwi. Jesu na bulezi cwalo. Sani si konisa lika.

¹⁹³ Mulemuhe, ki yani fani cwale. U tamuluhile, kuli ato tama hamoho kaufela ze ceputukile ze, “Oh, kihande, hakuna shutani ni yekana, ni hakuli cwalo.”

¹⁹⁴ Sani kona sa na bulezi Satani ku Eva, “Hakuna shutani ni yekana. Kaufela li lukile. Luli, Mulimu ki Mulimu yomunde. Wa lu lata kaufela luna.” Ha lu lati.

¹⁹⁵ Kikuli mwa utwanga zeñata hahulu za kuli Ki Mulimu yomunde. Yena ki Mulimu yomunde, kono, kakuba yomunde, Una ni kuba ya sephala. Hakuna bunde bo busina busephala.

Hakuna busepahali kusina mulao, haku sina koto, katulo. Kacwalo lu mwa hola yeo, ye lupila ku yona.

¹⁹⁶ Mulemuhe, kapili cwale, ona madimona a mioya ye lunya aa. Cwale, mwatasi a—mwatasi a lituso za Naha ye Swalisani, likwata ze kopani hamoho, za kwa Upa ni Wiko.

¹⁹⁷ Kuswana fela inge liutu la silyo ni la nzohoto la siswaniso sa na boni Daniele, mo ne ba sa palelelwa ku lumelelana ni yomuñwi ni yomuñwi. Mi linzwi lelili Eisenhower, ka nako yani... *Eisenhower* litalusa “sipi.” *Khrushchev* litalusa “lizupa.” Mi a tubula likatulo la hae ni ku li nata [Muzwale Branham u ngongota fa kata—Mu.] fa sipula sa...fani Kutwano ya Linaha, kamba U...kwa UN. Khrushchev aeza, a zusa maluli kwateni... Oh, mawi! Yona hola ye lu pila ku yona! Keleke ni buino bwa yona!

¹⁹⁸ Kono, ku lumbwe Mulimu, Munyaliwa yomunyinyani sa Itukisize kale. Hakuna kunga nako yetelele. Mu libelele fela. Haluna ku liyeha. Hani zibi kuli kuka liyeha nako yekuma kai, hani zibi kuli ki lili; hakuna mutu ya ziba cwalo. Kono lu ziba kuli li sutelezi bukaufi cwale, kaniti.

¹⁹⁹ Mutualime za bulapeli. Mutualime zeo, ka butu, ze ne liezize kwa Majuda bani. Sani neli sona sicaba sene si kumalezi kwa milao ya Mulimu. Hakuna taba kamba ku ka taha likeleke ze kai, zeñwi ki likamañi, neba foufalizwe ku Kreste, ni ku swalelela kwa mulao wani. Mi Mulimu a bafa liapalo, mañi ni mañi wa bona, kakuli ne bakeni mwa ku bulaiwa. Mwabona? Bana—bana... Nebali libofu bakeñisa luna.

²⁰⁰ Ki fa cwale, ki Keleke, yesina se i ziba kwanda Bibele. Hakuna taba ka mulao wa za bulapeli, za likopano, hakuna se ba ziba ka zona. Kaufela zona ki ze nca ku bona. Ba Mu ziba, mi Yena anosi fela.

²⁰¹ Batu kacenu ba swana sina Pitrosi ni bona mone ba bezi, fani fa Lilundu la Kubenya. Neba susumelizwe hahulu haba bona za teni ha li ezahala ka buino bwa moyo, mi yomuñwi naize, “Luka eza keleke iliñwi ya—ya bapolofita, ni yeñwi ku Mushe.”

²⁰² Mi wo kona mukwa wa batu, ba Pentekota kona mo ne ba ezelize. Neba ize, “Luka eza ilimu, ya Assembly of God; mi yeñwi, ki keleke ya Mulimu; mi yeñwi, Oneness; mi oneness, Twoness,” ni zeñwi cwalo.

²⁰³ Kono hana sa bulela, Jehova a huwa ali, “Yo ki Mwana Ka ya latwa,” Yali yena Linzwi, “mu Mu utwe!” Mwabona? Ki yena Linzwi.

²⁰⁴ Hola ye lupila ku yona, ya za bulapeli, ka mioya ye kopana hamoho cwale ni ku itisa kaufela yona mwa kusilahiwa ko kutuna kwa, kuli ba takuhe. Zeo li ñozwi kale mo, mwa naha ye cwale, kuli likeleke ze lina ni ku kwaliwa konji haiba mu yemela

neku la kopano. Ki tamahano, ki kuñala, kuswana sina nombolo ya sibatana.

²⁰⁵ Mi cwale mwabona seo sibatana sili sona, njii cwani? Ki mata. Mi ki mata, mata a za bulapeli, Jesu naize, "Likaba bukaufi hahulu inge nto ya luli, kuli li ka puma mane ni bona ba Baketilwe haiba ki nto ye konahala." Kono Na sepisize kuba ni sesiñwi fa sa luna mwa lizazi lateni, kuli lutokwe ku pumiwa, mi lani ki Linzwi, mi Kreste u Li eza kuli libonahale ku luna. Ki za buino bwa moyo, mioya ye maswe, ye sa bonwi ka liito, kono mwakona kubona se ieza. Mwabona?

²⁰⁶ Mulemuhe, fo sikwata sani hasinze si taha cwalo, ba itukisa ili bona ku hatikela sika kaufela se si sike ku lumelelana ni bona, kuna ni sikhata sesiñwi sesi sweli ku itukisa, kasamulaho nyana, Sinulo 19. Nako yetatama Keleke ya utwahala, Ya taha, hape, isiñi fa lipizi luli, kono Bibebe ibulezi kuli, "Na pahami fa pelesa ye sweu, mi mpi ya Lihalimu ne i Mulatelela fa lipizi ze sweu." Ki niti yeo kana?

²⁰⁷ Mi sikhata se kwanu ha si na ni ba baeza tu sauzande baba tamilwe mwa nuka ya Euphrates, mi ba tamilwe ka myaha ye likiti zepeli, hape ni yona keleke yani itamile Moya o Kenile bukaufi ni myaha ye kuma fa likiti zepeli, mwatasa ku bulaya baba kenile kwa mulaho kwani, ni mwatasa masika a likeleke. Li tamilwe, isiñi mwa nuka ya Euphrates, kono ki fa munyako wa lituto za litumelo ni za litapel, kuli mane Moya o Kenile hausa kona ku beleka mwa keleke bakeñisa milao ya ipangezi mutu. Kono Ika tamululwa, Ika kuta, sani kona se ibulezi Bibebe. Mi zepeli zeo li kopanela mwa mafulo a ndwa, Lusifa ni Mikaele hape, inge kwa simuluhu. Ba tamilwe ka myaha ye likiti zepeli, bukaufi ni myaha ye likiti zepeli.

²⁰⁸ Isiñi luli ki tu sauzande, kakuli Maroma neba zwelapili ku zamaya, Titus mwa A.D. 96, ni ku shetumuka fafasi cwalo, a bulaya Majuda. Neli Maroma! Ki mañi ya na bulaile Majuda? Titus neli mañi? Neli ndwalume wa Siroma. Mali na sulauhezi kwande a minyako kwatasi kwani, kuya kwa...oh, ni ku ba bulaya, ni musali, banana, ni lika kaufela. Kana Ezekiele 9 ha i buleli kuli ba ka eza cwalo? "Kena mwa munzi mi u yo beya liswayo fa batu baba lila ni kubata," ona—ona Moya o Kenile. Mi babañwi baba siyezi, "muuna ya bulaya usweli wa taha," bao ki ba baka tamwa; u ba swale, u swale, kufitela ba ya ku yo bulaya lika kaufela ze neli teni mwani. Basali ba banyinyani, basali, banana, limbututu, ni lika zeñwi kaufela, kaufela bona ne ba bulailwe. Kiniti.

²⁰⁹ Ki se fa hape, sa kutela sona siñi. Mi ki wo fa mulao wa za bulapeli wani u kutezi, unzo hapeleza, ni ku hatikela kaufela ze bizwa kuli Mulimu. Oh, bana ni milao ya bona, ni likopano, ni liputeho, kono sani hasina sa kueza ni Bibebe. Baka mi bulelela

kapili kuli haba lumeli ku Yona. Eeni, sha. “Ba bulela se ibulela keleke.”

²¹⁰ Ki sa bulezi Mulimu! Lani kona Linzwi. Munyaliwa una ni Manzwi; ki nto Iliñwi. Kana bakona cwani kuba Alimuñwi? Mi cwale Linzwi lani, le li ñozwi Mwani, ha litaha ku mina, mi lieza—lieza kuli mina ni Linzwi mube nto Iliñwi. Sani ki sona luli sa Na sepisize.

²¹¹ Mi, La toloka. Mulimu hatokwi mutoloki. Ba li, “Kihande, lu Li toloka sina *cwana*.” Hauna tukelo ya kutoloka sika. Mulimu wa I tolokelanga Iliyena. Mulimu naize, “Ha kube liseli,” mi kwaba liseli. Ki mañi ya tolokile sani? Na ize, “Mwalyanjo uka itwala,” mi sa itwala. Sani hasitokwi toloko ifi kaufela; si tolokilwe kale. Mulimu na bulezi kuli lika ze lika ezahala mwa lizazi le, mi li ezahalile. Hali tokwi mutoloki ni yomukana. La i tolokela lona Liñi. Oh, mawi!

²¹² Sinulo 9:1, mwataswa Tolombita ya Buketalizoho, mulena bona... Mulemuhe, Sinulo 9:1 cwale, mulena wa sikuwata sesituna se sa lipizi ze tu handeleti sauzande. Neba na ni mulena wa bona, mi, haiba lu lemuha, neli naleli ye wile. “U wile cwani kwa lihalimu, O wena Lusifa?” Oh, mane Doctor Smith mwa na talimezi taba yani kusina kuikutwa kufosa kwani, kono, li lukile kaufela, mwabona, ne si za hola ye. Mwabona? Ku lukile. “Neli mukoti o sina mafelelezo; mulena bona neli mulena wa mwa mukoti o sina mafelelezo.”

²¹³ Sinulo 17:8. Ne ni ñozi litaba zeñwi fa. Ni ka bala taba yateni. Hamu bone fa, Sinulo 17:8. Ni bata kubona se ibulela fa, kakuli ha Ni zibi mwa ku talimanela fela ni taba yetatama ye, 17:8.

Mi sibatana so boni, ne si liteni pili mi ha si sa li yo; kono sika tuha si longoka mwa mukoti o sina mafelelezo, mi kihona sika shwelela: mi baba yahile mwa lifasi ba ka komoka, be mabizo a bona ha si ka ñolwa mwa buka ya bupilo—ya mwa bupilo haisamba lifasi li tomwa, haba ka bona sibatana sene si liteni pili, mi hasi sa li yo, mi si kaba teni hape.

²¹⁴ Mwabona, “neli,” popu alimuñwi ha shwa, yomuñwi wa yola. “Sibatana sene si liteni, mi ha si sali yo, se si liteni; kono ha siyo, mi siteni.” Ha li cinci muzamao wa zona; popu wa bona, ka nako yeswana, lika kaufela. Lika kaufela lina ni kufita mwa mulao o swana.

²¹⁵ Mi li ka wela kai? “Mwa mukoti o sina mafelelezo.” Mi Bibele ibulezi fa, kuli, “Mueteleli wa bona batu baa na zwelela mwa mukoti o sina mafelelezo, mi yani neli yena mulena abona,” mi una ni mushukwe wa maneku amalalu, mi Baipanguli ba kopana ni yena.

²¹⁶ Ne ni kile na utwa muprisita wa Lutheran hana bulezi, zazi leliñwi, kuli... kamba, neli mukutazi wa Lutheran, kuli, “Kihande, batu ba ni buzanga kuli kiñi ha Ni tinanga ko—ko

kola. Kana bakona ku ni bulelela cwani ka . . .” Noli teñi kana? [Muzwale uli, “Eeni.”—Mu.] Eehe. Mi, sani, kana ne si kashwau kani nji? Ne—Ne ni batile kuutwa inge ya bata kutaza, ba zamaya kuzwa kwa katala. Mi bali, “Kakuli, haku lukeli kuba shutano ni yekana.”

²¹⁷ Haiba Luther, Martin Luther, na ka utwa cwalo, na ka fetuha mwa libita la hae, abulele kuli, “Mina baipi, ha mu ba likwata za ka.” Uh-huh. Mwabona?

Kono kana mwa ziba ko lifitile? “Hakuna shutano.”

²¹⁸ Kuna ni shutano. Mane nihaiba ku shutana mwahala batu. Mulimu naize, “Amu Ni kauhanyeze, bo Paulusi ni Barnabasi,” yeo ki niti, “kwa musebezi.” Mukauhanye! Mulimu ki mukauhanyi wa lika, ha ki mukopanyi. Ki mukauh- . . . Keleke ibata mukopanyi yomunde, kacenu, sani si kona ku baeza kuli batine litino za kutapela, ni tuputula, ni lika zeñwi kaufela, ni kuzwela fande ba tundamena ona cwalo. Kono Mulimu ali, “Amu Ni kauhanyeze!” Mu ikauhanye ili mina kwa lifasi!

²¹⁹ Sinulo, lu fumana cwana fa, kuli, “mulena wa bona na zwelela kwa mukoti o sina mafelelezo,” mi mutu kaufela “ba ya mwa sinyeho,” mwahali ni kwande, mwahali ni kwande, ba zwela kwande.

²²⁰ Mulemuhe mwa Levitike, kauhanyo ya 23, toloko yateni ha ki kupetahala ni koo ka sikuka sa Linzwi, ni se lu lika kufa cwale. Mutualime nto ye cwale, ka mulao. Cwale lu lemuhe. Ha lu apuleñi fela mi lu bale sani ka nako fela. Mwa Muekel- . . . isiñi mwa Muekelesia, kono Levitike. Levitike 23, cwale mulemuhe nto ye fa, mwa Levitike kauhanyo ya 23 cwale. Mi ha lu lati ku mbwinja nto ye ni hanyinyani, cwale, kuli lukone ku li utwisisa hande ka nzila yeo Mulena a lu ñolezi zona mo. Ni palelwa ku fumana Levitike mwa Exoda, Ni ka i fumana kana? Ku lukile, Levitike cwale. “Mi Mulena . . .” 23.

. . . *MULENA a bulela ku Mushe, ali,*

*Bulela ni bana ba Isilaele, uli, Mwa kweli ya bu supa,
ka lizazi la pili kwa kweli, mukaba ni sabata, ibe kupuzo
ya kuliza kwa litolombita, mi ibe mukopano o kenile.
Mwabona?*

*Mu ka tokomela . . . musebezi ka likute lelituna: kono
hamuna kufa . . . litabelo ze ezwa ka kucisa ku MULENA.*

. . . *mi mu ka ezeza MULENA sitabelo sa kucisa ka
mulilo.*

²²¹ Cwale mutualime. Cwale mulemuhe.

Mi MULENA abulela ku . . . Mushe, ali,

*Mi hape mwa lizazi la bu lishumi ka kweli ya busupa
ku kaba lizazi la swalelo: . . .*

²²² Mwabona, swalelo ne i latelezi mwa mulaho... Mutualime cwale. Swalelo ne i latelezi mwa mulaho wa kulila kwa tolombita. Mwabona? Ha ki bunde ni boo! Mwabona? Zazi la swalelo ne li latelezi mwa mulaho wa tolombita.

²²³ Cwale—cwale, mazazi a mashumi aketalizoho a litolombita, a luna, ku talusa fani tolombita hane i lilile kwa pentekota, yeneli mazazi a mashumi a ketalizoho. Cwale—cwale—cwale, kasamulaho wa se, Majuda ne ba hanile Sani.

²²⁴ Cwale Litolombita li ba bizeza kwa Swalelo, mwabona, yona Swalelo yene ba hanile. Mi ne ba hanile kuli meto a luna a kwaluhed; a bona na kwaliwe. Mi ka yona nako ye, Maswayo ao a kwaluhile, mi ni—ni—ni Litolombita ne li lizizwe. Mi cwale, mwa kuliza kwa Litolombita ze, ona fo Mesia a si ka taha kale, kakuli ba lukela kuba mwa Palestine. Mi mwa hupula Mulimu nana ni kutatafaza pilu ya Faro, kuli aba zuse mwa Ègèpita; mi A tatafaza ni Stalin, Mussolini, ni bani kaufela, kuli a bakutiseze mwa naha ya sepiro, ko baba handeleti ni fote fo sauzande ba lukela kuba teñi.

²²⁵ Mi cwale, ka nako yapili ka myaha ye likitikiti, mianda ye mashumi amabeli ka ye ketalizoho, mane Isilaele seli naha cwale ni ndembela ya yona, ina ni mpi ya yona, ni zeñwi kamukana, mi ne li lemuhilwe kuba mwa—kuba mwa UN. Seli nako ya pili. Ndembela ya kale hahulu ye kile ya fukiswa mwa lifasi, ka nako ye, ya fufa hape, ze ketalizoho... naleli ya maneku a silezi a Davida. Na bulezi kuli Uka nanula ndembela yani mwa mazazi a maungulo, kona ha ka kuta. Lu kwa maungulo. Hakuna mukwa wa ku kakanya ka zona. Ki luna ba fa.

²²⁶ Mulemuhe cwale, kapili, Sinulo 9, mwatasa tolombita ya busupa, "mulena bona uzwa kwa mukoti o sina mafelelezo."

²²⁷ Mi mwa Levitike, cwale, ha ki toloko ye petehile ni yeo fa mwa Linzwi! Kakuli, mwabona, kapili ku latelela, tukuluho ya pentekota ne i latelezi lizazi la swalelo; mulao wa nako ya mukiti. Mwahala mukiti wa pentekota, kuisa kwa swalelo, kulila kwa litolombita za swalelo, neli mukiti wa pentekota, nako yetelele luli. Mutualime, neku nani nako yetelele mwahala mukiti wa pentekota, kuisa kwa pizo ya—ya tolombita... kulila kwa litolombita, li—li litolombita lika liziwa; fa nako yetelele luli. Ka ku sepahala, neli mazazi a mashumi a ketalizoho, kuzwa kwa—kuzwa kwa—kuzwa kwa mukiti wa pentekota kuya kwa mukiti wa swalelo, neli mazazi a mashumi aketalizoho. Cwale, mazazi a mashumi aketalizoho ki lisabata zesupa ka ku kwana hande.

²²⁸ Mi lisabata zesupa ki myaha ye supa ya likeleke, Masika a Likeleke. Mu utwile kana? Mwabona? Mwabona? Cwale, Majuda ba foufalizwe, baba libelezi nako ye kaufela, fo Mitamu yapili ya pentekota se i suluhezi fa Keleke. Mi lutile ka ku shetumuka mwahala masika a babulaiwa, ni ku shetumuka mwa masika a baongaongi, mi cwale mwa lusika lwa ku biziwa kwa;

likalulo zetalu, Moya o swana; sina Ndate, Mwana, ni Moya o Kenile, Alimuñwi ya swana. Mwabona? Kono, Masika a Likeleke Zesupa, seli lisabata zesupa.

²²⁹ Ona cwalo lisabata zesupa kuzwa kwa—kuzwa kwa tolombita tukuluho ya pentekota...ki mukiti wa tukuluho ya pentekota, kufitela...Ku bonahala kwa mutamu wa lukau, mi cwale ni tukuluho ya pentekota. Mi cwale kuzwa kwa tukuluho ya kutaha kwa swalelo kuna ni lisabata ze supile, mazazi a mashumi aketalizoho, mi kwa mafelelezo a mazazi a mashumi a ketalizoho kuna ni—ni swalelo ye ezizwe. Mwa utwa nji? Cwale, mi wo ibile mufuta, o fumaneha mwa Keleke...

²³⁰ Mi ha Na i patuluzi, Iliyena, kakuba Mwana Mulimu, u patuluuhile kwa Keleke mwa kolobezo ya Moya o Kenile, ona cwalo ku shetumuka mwahala masika, ili mwa—mwa lusika lwa pentekota, mwabona. Ku zwelapili fela kuba butuna ni butuna; kutapiswa ka Luther, ku kenisa ka Wesley, kolobezo ya Moya o Kenile.

²³¹ Cwale ki ye nako ya ku bizezwa kwande. Kwa Liswayo la Busilezi, hase—hase li kwaluhile, nyandiso ne itaselize Majuda, mwa mayemo a butu fela; mi fa kutaha nyandiso kwa keleke, mwa mayemo a za bulapeli; kakuli, Munyaliwa u sa bizizwe kale. Lisabata li felile, mi seli nako kuli Majuda ba bizizwe. Kuya kai? Kwa mukiti wa Swalelo. Oh, keleke, kikuli hamuboni cwalo? Ku bizezwa kwa mukiti wa Swalelo, (sikamañi?) ku yo lemuha Swalelo; hakusana likuhu ni macikwi, ni se ba bile ba eza. “Ngunyana ya Mulimu, ye tabilwe haisamba lifasi li tomwa,” Isilaele i ka ziba Seo.

²³² Mulemuhe, ki ye nto yetuna. Mutualime! Oh, mawi! Moya o Kenile ubile utamilwe ka likopano, ona myaha ye likiti zepeli ze. Lu fumana kuli, Ubile cwalo. Cwale ha mulemuhe lisabata, lisabata se supile, neba si ka fumana kaufela ze ne ba bata. Bi—bi Bibele ibulela kuli, “Kukaba lizazi leli si ke ku bizwa busihu kamba musihali.”

²³³ “Mi Mañolo kaufela,” Jesu naize, “alukela ku talelezwa.” Kana ki niti yeo? Muli, “Amen.” [Kopano ili, “Amen”—Mu.]

²³⁴ Mupolofita naize, “Ku kaba lizazi le li sike ku bizwa musihali kamba busihu, kono mwa nako ya manzibwana kukaba Liseli.”

²³⁵ Ki sikamañi seo? Lona lizazi le liswana le li monyehanga kwa Upa ki lona lizazi le liswana le li monyehanga kwa Wiko.

²³⁶ Nako kaufela fo lizazi ha li pazula, ni kuya ku yo likela, litalusa bupilo bwa mina. Mbututu yomunyinyani ha pepwa, ki ya fokola, mwa kakusasana. Ka nako ya eti kiloko, uya kwa sikolo. Illebene seti, kele a feza sikolo, ki kucisa kwa musihali. Kipeto ukala ku likela, kuba myaha ye mashumi aketalizoho ya kupepwa, mashumi a silezi, a supile, a eite, a nainte. La ya mi la likela mi wa shwa; kipeto litaha fela habusa le litatama, mi li bulela kuli, “Kuna ni bupilo, lifu, kupumbekwa, zuho.”

²³⁷ Mi, amulemuhe, zwelopili i zamaile ni lizazi. Zwelopili ya kale ye lu nani ki China. Mañi ni mañi wa ziba cwalo.

²³⁸ Kana Moya o Kenile no wezi kai? Kwa na ha ya kwa Upa, fa sicaba sa ba kwa Upa. Mi Evangeli i zamaile hamoho ni lizazi. I zwelezi kai? Izwelezi koo kwa Upa, kukena mwa Germany, kuzwa mwa Germany kuya mwa England... Kusila mwa nzila ye swana halalu. Mediterranean kukena mwa Germany, kuzwa mwa Germany... Kuzwa mwa Mediterranean, kuzwa kwa Upa, kukena mwa Germany, ka kufita mwa Mediterranean; kuzwa mwa Germany, kusila na Nzila ya Sikuwa, kukena mwa England; kuzwa mwa Nzila ya Sikuwa, ku silela mwabuse bwa Pacific kuya kwa... kamba ki Atlantic, ku silela kwa United States.

²³⁹ Mi cwale uinzi kwa Likamba la Wiko. U sa silile na ha ya na talifisize mi usilezi mwabuse, ni ku zwelapili. Zwelopili ya zamaya; Evangeli i zamaile hamoho ni yona. Cwale kaufela bo muikunyandela ba inzi kwa Likamba la Wiko, ko lika kaufela li nopiwa fela, inge lindinda leli taha.

²⁴⁰ Kono mupolofita naize, “Mwana hana kubenya mwa lizazi le; ikaba lizazi la mbundu ye sabisa.” Babile ni Liseli lelituna, inge lizazi la pula ya niti, neba ka i kopanya mwa likeleke, ni ku lumela Mulena, ni lika ze cwalo. Kono, na ize, “Mwa nako ya manzibwana, malu aka sikuluha kwateni, likopano li ka fela.” Mi ni Evangeli ye swana, lona Linzwi le li swana le li eezizwe nama, sina mwa Na sepiselize mwa Luka 17:33. Yona Evangeli ye swana, ni nto ye swana, ika nga sibaka mwa nako ya manzibwana, ona fani fela miluti haika kala ku unsufala. Yona Evangeli ye swana, ni yena Kreste ya swana yana pilile mwa nama kwani kwa buse kwa makalelo, kwa sicaba sa ba kwa Upa, uka pila hape mwa sicaba sa kwa Wiko kwa nako ya maungulo. “Ku kaba Liseli ka nako ya manzibwana.”

²⁴¹ “Liñolo kaufela li filwe ka susumezo,” mi halikoni ku lobowi.

²⁴² Mazazi amatuna a mashumi aketalizoho a felile. Mukiti wa pentekota u felile, lisabata ze supa; kufitela litolombita, mufuta wa Keleke ya Lusika lwa Busupa. Muhipule, muhipule, mwa... mwataswa Tolombita ya Busilezi, Mujuda... Kana mwa teeleeza? [Kopano ili, “Amen.”—Mu.] Mwatasa Tolombita ya Busilezi, ba—ba Pentekota ba hana Bibele; ba—ba enya fela, ha ki Mapentekota fela, kono ni babañwi kaufela baba siyezi. Keleke ya lifasi ya hana Kreste mi U kashelizwe kwande. Mi ni mwa Tolombita yeswana... Ni Liswayo le liswana, nitaluse, hane Li kwaluhile, ku bonisa Jesu kwande a keleke, inza lika kukutela mwahali; ka nako ye swana, kulila kwa Tolombita ki kwa Majuda, mi Majuda ba lemuhile Swalelo. Kanya! Haleluya! Oh, mawi!

²⁴³ Moya o Kenile utamilwe ka zona linuka za likopano ze, bukaufi ni myaha ye likiti zepeli, kono una ni ku tamululwa mwa nako kaufela, ka Liñusa la nako ya manzibwana. Moya o Kenile ukutele mwa Keleke hape; Kreste, Kasibili, ya patuluuhile mwa mubili wa butu, ka nako ya manzibwana. Na bulezi cwalo. Na li sepisize.

²⁴⁴ Neku nani likalulo zetalu za yona, sina ha Ni bulezi. Babulaiwa, lusika lwa babulaiwa, ku lona; mi hape ni kalulo ya baongaongi; mi cwale ni nako ya ku bizezwa kwande.

²⁴⁵ Mi haku felile, kwa Lusika lwa Laodesia, kuya ka Sinulo 10, kunutu ya Bibele kaufela ika zibahala ku Munyaliwa. Kana ku cwalo? [Kopano ili, “Amen.”—Mu.] Sinulo 10. Muteeleze ka tokomelo cwale. Uh-huh. Munyaliwa, uka bizwa ka Linzwi; Kreste yena Kasibili u biza Munyaliwa, kueza patalaza Maheberu 13:8, kuli Yena ki “ya swana maabani, kacenu, ni kuyakuile,” u eza lika ze swana, ki ya swana. “Ya lumela ku Na, misebezi ye Ni eza uka ieza ni yena.” Mwabona? Luka 22... Kamba, Luka 17:30, mi hape ni Malaki 4, Maheberu 4:12, ona Mañolo a kaufela a sepisizwe, ze lina ni kuba mwahala Liswayo la Busilezi ni la Busupa, ni Tolombita ya Busilezi ni ya Busupa.

²⁴⁶ Mukiti wa pentekota u felela kwa nako ya Tolombita ya Busupa, kakuli ze tatama ki Kutaha kwa...Liswayo la Busupa, kakuli ze tatama ki kunutu ya Kutaha kwa Kreste, mi, hape, Tolombita i lilela kwa Majuda. Tolombita ya bona ya Busilezi i lilile, mi, ha i lila, iba zibisa kaza kupatulula kwa Mwana Mulimu; ki nako yekuma fa licika la hola. Muhupule, Litolombita kaufela li lilile mwa Liswayo la Busilezi le. Liswayo la Busilezi li feleleza kunutu, mwataswa Liswayo la Busilezi, ku si ka kwaluha kale la Busupa.

²⁴⁷ Mulemuhe, ki ye Levitike 23:26. Kana Mañolo a zamaya cwani mwa sikuka! Kasamulaho wa nako yetelele ya pentekota, zeo Isilaele ne i hanile kwa mulaho kwani; mi A bizeza Keleke ya Bamacaba kwande, mwahala mukiti wa pentekota. Ki babakai baba utwisisa seo mukiti wa pentekota uli sona? Ki muselo wa...mutamu wa miselo ya pili ya kutulo, mutamu wa muselo wa pili wa zuho, ona mukiti wa pentekota.

Musike mwa mbwinja se, sicaba! Mi, mina fa tepu, muteeleze hande!

²⁴⁸ Ye ibile nako ya mukiti wa pentekota. Majuda ba inzi ba kuzize; ba Li hanile. Cwale bana ni ku biziwa kukutela kwa Swalelo. Lwa ziba Yo Swalelo nali yena; ne ba sa zibi. Mi ni kulila kwa Tolombita, kasamulaho wa tukuluho ya pentekota, ubiza Majuda hamoho. Kana hamuboni Tolombita yani mo ibezi, ya nyandiso mwataswa Hitler ni babañwi, mo ne ba nyandiselize? Mi Majuda neba hapelelizwe kutaha hamoho, ili ku taleleza Mañolo.

²⁴⁹ Cwale mu utwile kana? Kaufela baba utwile, muli, “Amen.” [Kopano ili, “Amen.”—Mu.] Kihande. Ku lukile.

²⁵⁰ Mulemuhe mo mwa Levitike, 26 cwale, sikuka sa Mañolo. Kasamulaho wa nako yetelele ya pentekota, ye felela mwa pizo ya Munyaliwa, Munyaliwa u bizezwa kwande ka mutanga. Ya Hanilwe, ya tatama, kuli zibahale kwa Isilaele, mwa mukiti wa Swalelo. Mulemuhe, ki ye nto yeswana mwa Levitike kauhanyo ya 16, cwale, fani ha Na laezi mukiti wa pentekota . . . kamba mukiti wa swalelo, kono mwa sibaka se ba bizwa . . .

²⁵¹ Oh, haki kupetahala ni koo! Mwa utwa, bakutazi. Mwabona? Musike mwa mbwinja taba yeo, bakutazi.

²⁵² Mwa mukiti wa pentekota wo, o tolokilwe mwa Levitike 23:26, kamba 23 ni 24, ki mukiti wa kulila, isiñi wa ku bulaya, wa ku nyakalala mukiti wateni. Mukiti no bulailwe . . . Swalelo ne i bulailwe, nitaluse. Swalelo ne i bulailwe. Levitike 16, ki nto ye lwanisana ni yona. Fela, mwa sibaka se, ubizelize Isilaele kulila ka libi za bona. Ha ki nto kwa kupetahala, kacenu! Ha ki ku bulaya sincia kwa Yona; yeo, Mushe na talusa, ka kunata licwe ka nako ya bubeli; ne ku si ka beleka. Ha ki ku bulaya, kwa mukiti; kono ki kulila, ki kuhana kwa Swalelo. Oh, mawi! Ye ikaba yona Tolombita; ki mukiti, ku haniwa, mi Mesia wa bona a zibahala.

²⁵³ Mulemuhe, baka ziba Mesia wa bona haba ka Mu bona. Utaha mwa mata, ka nako ye, Yena yene ba libeleta. Utaha mwa mata, ku Munyaliwa wa Bamacaba, mi Majuda ba ka Mu ziba. Mi cwale Bibele ibulela ili . . . Kona lu sa zo feza fela ku kutaza ka zona fa, seli likweli ze silezi kwa mulaho, kamba kufitelela cwalo. Bibele ibulela kuli, haba kali, “Kikai Ko zusize litombo zeo?” Ki babakai baba hupula Liñusa lani? Mu nanule mazoho a mina. Luli, mwa . . . Bona? “Kikai Ko zusize litombo zeo?”

U kali, “Ki mwa ndu ya balikani ba Ka.”

²⁵⁴ Mwa hupula hane ni kutilize ka za—za nako fani Jakobo hana lumile bana ba Isilaele kwani ku yonga libyana, ni lico ni libyana zeñwi, ni mwa na ezelize Josefa inge kuli na si ka ba ziba; mane ni lika kaufela mo ne li ezahalezi, kona a itibahaza iliyena? Mwa hupula? Mi ne ba sabile hahulu, neba keni mwa kulila. Kuswana fela sina butata bwa Jakobo.

²⁵⁵ Mi fa lufumana Majuda mwatasa nyandiso; ha ba zibi fo ba yemi cwale, kono ba kuta.

²⁵⁶ Mi haba bona Swalelo ha i bonahala, Bibele ibulezi kuli, “Ha ba ibona,” ba li, “baka kuhana yomuñwi ku yomuñwi, ni kulila ka mazazi, sina—sine lubasi lo lu latehezwi ki mwana bona ya pepilwe anosi wa mushimani. ‘Kikai Ko zusize litombo zeo?’”

Mi ali, “Mwa ndu ya balikani ba Ka.” Mwabona?

²⁵⁷ Muhupule, Munyaliwa ukeni kale mwa Lihalimu; musala Josefa nali kale mwa sibaka. Mi Josefa a leleka kaufela bona bene bali fakaufi ni yena, mi a itibahaza iliyena kwa bahulwani

ba hae; mwa bona, Musala Hae ni bana ni babañwi nebali mwa muleneñi fani Ha kuta ku yo itibahaza ili Yena kwa Majuda. Yani kona Swalelo. Ki ko kulila kwa Tolombita ya mina. Kwani kona kone ba bulezi kuli, “Oh!” Ki sikamañi seo? Ki yani Swalelo. “Litombo zani lizwelela kai?” Ki fo cwale.

“Mwa ndu ya balikani ba Ka.”

²⁵⁸ Muhupule sene ba ezize bahulwani ba Josefa? Kiñi, neba ize, “Cwale luka bulaiwa, kaniti luli. Ne lu ezize cwalo. Ne lu ezize nto yemaswe yani.”

²⁵⁹ Na ize, “Bati, Mulimu na ezize cwalo kuli a bukeleze bupilo.” Mwa hupula likande, mwa Genese? Mwabona? Mwabona? Kona mwa Na ezelize ka nzila ye, kuli a bukeleze bupilo bwa Bamacaba, bwa Munyaliwa. Ali, “Ni li zusize mwa ndu ya mulikana Ka; kono musike mwa nyema, mwabona, musike mwa saba.”

²⁶⁰ Ba li, “Oh, mawi! Ki kuli lu palezwi ku Mu bona? Kana yani neli Swalelo nji, mi ha lu si ka Ibona? O Mulimu!” Mi bali, “Ba i kauhanyize fela ili bona, ni kulila ka mazazi.” Ki sikamañi seo? Ki Swalelo; maswabi. Nako ye, kutaha kwa buino bo ku zibahalile, Swalelo, ha ki swalelo ye bunolo fela ye bulailwe, sina mwa Levitike 16. Kono Levitike 23 ki nako ya sililo, ya libi za bona. Mi, libi za bona neli, bakeñisa kuhana Sika sa luli.

²⁶¹ Oh, kikuli ha muboni fo lu inzi? Kikuli hamuboni libaka leo Litolombita zani li talusa ku luna? Kaufela zona ne li lizelizwe mwatasa Liswayo la Busilezi. Mwa bona cwale libaka Moya o Kenile ha no ni hanisa ku ambola ka zona? Mi Ndate wa Lihalimu wa ziba, ni Bibebe ye kwaluhile ye fapila ka, yeo ki Niti. Ne ni sa li zibi kufitela maabani, zazi la maloba; mwa muzuzu wa ka mwani kwa Na li patuluzi, natile kuna mi a ambola kuna. Na kuta, mi Nali, “Musala ka, Nina ni zona cwale. Uni katani fela mwahali mwani mi uni bulelezi. Ki ze fa, mulatiwa.” Mwabona? Mwabona, ki zeo fo, mwabona, ka kupetahala mwa kutwano.

²⁶² Oh, sicaba sesi tokwile Yena, mukene kapili! Ikona kuba kolo ta mafelelezo yeo mukona kuba ni yona. Ha muzibi nako Ya kona kutaha.

²⁶³ Mukiti wa litolombita. Bibebe ibulela kuli, “Ba ka i kauhanya ili bona, yomuñwi ni yomuñwi, ni ku lapela ni kulila, kakuli sina mutu yana ni mwana hae alimuñwi fela ya latehile.”

²⁶⁴ Mutualime, Ni bata kubulela nto iliñwi fela. Ka tokomelo cwale; musike mwa mbwinja se. Ha ki nto kwa kutabisa! Kuzwa kwa lingeloi la bu sebene (mulumiwa wa Liswayo la Busupa) Liñusa la Sinulo 10, neli Liswayo la Busupa, kwa Litolombita ze Supa, mwahala linako zani . . .

²⁶⁵ O Mulimu, lukona kubulela cwani taba Ye, kuli batu ba kone ku Li bona?

²⁶⁶ Ki mwahala Tolombita ya Busilezi yani, mi Tolombita ya Busilezi ni... Tolombita ya Busilezi ni Liswayo la Busilezi zeo li lila ka nako yeswana. Mi mwahala Tolombita ya Busilezi ni Tolombita ya Busupa, kuna ni mupolofita ya lukela ku bonahala fapila Bamacaba, ku bizeza sicaba kukutela kwa Tuto ya pentekota; ni lipaki zepeli za Sinulo 11 lika bonahala kwa Majuda, kuba luma ku Jesu, fo Keleke hainze i ngelwa. Kaufela bona, bapolofita! Amen! Linzwi la Mulena halikoni ku lobiwa. Haina kuna kopano! Kana mwa bona njí?

²⁶⁷ Mubale mwa Buka ya mina mo ni kubona haiba seo si mwahala Tolombita ya Busilezi ni ya Busupa haiyo mwahali mwani, mutuhele Majuda ba bizwe mwahala Koto ya Busilezi ni ya Busupa, lu taha ku bani baba handeleti ni fote fo sauzande (mwa hupula cwalo?), bene bali mwahali mwani. Kana mwa hupula? M wahala labu—labu—labu bu Ketalizoho, ni Liswayo la Busilezi... M wahala Liswayo la Busilezi ni Liswayo la Busupa, nekubile pizo ya baba eza handeleti ni fote fo sauzande. Mwa hupula cwalo? Cwale kwani kona ko kuna ni litolombita ze kona mo litaha ona cwalo, mwabona, ni nyandiso, mi lipizi ne li tamuluzwi kwani.

²⁶⁸ Mi, mwahali mwani, konakuli neku lukela kuba ni Liñusa la lingeloi la busebene, lene li kutaza ni ku nyaza Mapentekota. Mi Jesu na lelekezwi kwande; na sina kutwano ni mutu ufi kaufela, na lelekezwi kwande, ku haniwa. Bibele ibulezi ona cwalo. Kakuli, ki Kreste ya i ponahalize mwahala luna, Jesu mwahala luna kaufela, ya i ponahalize mwa kukena kwa Linzwi la Hae, ku Li zibahaza. Mi haina ki cwalo...

²⁶⁹ Ze ha ki za ku ikupulela fela, balikani. Se KISONA SA BULELA MULENA, ki Mañolo.

²⁷⁰ Mi ka nako yeswana... Cwale, ona fo Keleke ye (ya Munyaliwa) ibizwa hamoho, Uka ngiwa; mi ni kunutu yani ya Liswayo la Busupa, kamba Liswayo la Busupa, ki kunutu ya kuya. Mi Majuda ba bizwa ka kunutu ya Tolombita ya Busupa, ili bapolofita bababeli, Elia ni Mushe, mi ba kuta. Mi fani kona fo ba lyanganezi Mapentekota; ba libelezi nto yeñwi kuli i ezahale; Keleke i icongile. Mi zani ki neku la Majuda.

²⁷¹ Cwale, Ni ikutwa kuba mwa munahano wa mutu, ya bulela kuli, "Yani hakoni kuba Mushe." Eeni, ki yena. Cwale, mu hupule, Wa kona ku ni bulelela mihupulo ya mina. Uh-huh. Uh-huh. Ni tundamena ku utwa cwalo ka... Ku lukile.

²⁷² Mutuhele ni mi patululele nto yeo ku mina. Neli Mushe. Kakuli, ki wo muhupulo wa mina. Mu bulela, kuli, "Mushe, hakoni kuba Mushe, kakuli Mushe na shwile." Mu nahana kuli neli Elia. Ki Elia, niti. Mi, munahana kuli, "Ki Enoke." Mu li, "Mushe u shwile kale" Kono, muhupule, na kutezi mwa bupilo hape. Na kutile. Myaha ye mianda ye ketalizoho ka ye milalu kasamulaho, myaha ye mianda anda kasamulaho, a

bonahala fa Lilundu la Kufetuha. Mu li, "Kasamulaho mutu amana kushwa?" Eeni, sha. Lazaro na shwile; mi a zuha hape; mi hape ato shwa hape. Mwabona? Luli. Uh-huh. Mi nihaiba baba maswe baka zuhela kwa bupilo hape, mi kipeto baka lukela kushwa lifu la bubeli. Kana ki niti yeo? Kona kuli muzuse zeo mwa mihupulo ya mina. Ki Mushe. Mu tokomelo bulumiwa bwa mina, ona cwalo fela Mushe ni Elia mo ne ba ezelize; ku kwala mahalimu ni kusela mulilo fateni. Mwa ziba lika ze ne ba ezize.

²⁷³ Mu nahane ka zona! Ki nako ya maungulo, balikani. Haleluya! Lizazi lelituna la Mulena li sutelezi. Mu kopane hande hamoho. Mukiti wa Mesia; baka Mu hana, mi baka fumana kuli ki yani Mesia wa bona. Bibele ibulezi kuli lika ze ipitezi sina ze lika nga sibaka.

²⁷⁴ Mwa Sinulo 11, ibiza, bulumiwa bwa bona bu kaba bulumiwa bwa Mushe ni Elia baba ka biza Isilaele, mwa lizo za Majuda; kuswana fela sina ni Liñusa la lingeloi la bu sebene ku biza Munyaliwa kuzwa mwa sizo sa Pentekota. Muhupule, Mushe ni Elia bana ni kubiza Isilaele kuzwa mwa swalelo ya mali a ngunyana, ni ngu, ni mali, ni lipuli, ni sitabelo, kwa Sitabelo sa niti, kutaha kwa Linzwi.

²⁷⁵ Mi Liñusa la lingeloi la bu sebene, mwataswa Tolombita yeswana, lika ze swana ona cwalo, ki Swayo yeswana, ki kwa (sikamañi?) kubiza sicaba, ni Munyaliwa, kuzwa mwa Mapentekota ni sizo sa lifasi, kwa Swalelo ya niti, kwa Linzwi, Kreste u likanyiswa mwa Linzwi la Hae mo, ya ezipwe bunca mwahala luna. Sayansi i patuluzi cwalo, ka maswaniso. Keleke ya ziba cwalo, ni lifasi mwahala luna. Lwa ziba zeo ka swanelo, kakuli Ha si ka lu bulelala nto ni yekana mwa lika za kuli KISONA SA BULELA MULENA kono ki se sibile Niti. Kikuli Na si ka bulela, kwani kwa nuka, "Sina Joani Mukolobezi hana lumilwe, ni yena Mulumiwa yo uka hoha . . ."

²⁷⁶ Na talima mwa halimu, mi neli twelufu kiloko. Hola ya mwahala busihu i fitile, balikani, ku luna. Mwabona kupetahala kwa Mañolo? Ka kupetahala, mo Li inezi . . .

²⁷⁷ Sani, mutualime, sani hasina kuba kopano yeñwi ye ka shetumuka kwani ni kubiza Majuda. Ikaba baana bababeli, Mushe ni Elia. Sibeli sa bona, bapolofita bao.

²⁷⁸ Cwale mutualime. Ku biza Bamacaba, yena Munyaliwa ku mu bizeza kwande, Na sepisize mwa Malaki 4 kuli uka eza nto yeswana.

²⁷⁹ Mi Bibele ibulezi kuli Uka lelekelwa kwande a keleke, mwa Keleke ya Lusika lwa Busupa. Na ka lelekelwa kwande a keleke. Li ka unsufala kufelelela luli, ni kuya . . . Ki kai ko i unsufalela? Ikena mwa mulao wa za bulapeli o, kukena mwa katengo ka swalisan, Katengo ka Likeleke za Lifasi. Uka . . . U lelekezwii kwande ka kutala. Linzwi la Hae, ha ba lumeleleni ni Lona. Mwa ziba kuli haba koni. Mane haba koni nihaiba ku lumeleleni ni

likwata za bona ze nyinyani za mwa sibaka; baka lumelelana cwani ni Zani? Kacwalo, ba amuhela nombolo yeñwi ya sibatana, ili sibatana sa sibatana. Muhupule, Bibele ibulezi kuli, “Neku na ni siswaniso se si ezelizwe sibatana.”

²⁸⁰ Mi haili United States ibile ya bu setini kamita. Ne i kalile ka litolopo ze setini, likwata ze setini; linaleli ze setini, mibala ye setini; nombolo ya bu setini, mi kamita ki musali. I bonahala mwa kauhanyo ya bu setini ya Sinulo. Mi, pili, ki ngunyana; ku ishuwa, tukuluho ya kubulela, tukuluho ya bulapeli, ni zeñwi cwalo; mi ba amuhela mata, mi ba bulela ka mata kaufela one inani drakoni fa pila yona. Ki sikamañi seo? Drakoni neli sikamañi? Rome. Mwabona, neina ni swayo, ili siswaniso sa sibatana, kuli ilwanise Keleke ya niti ya Mulimu. Mwatasa likopano zani, kuka taha koto ye! Kono, ha ba ka kala kueza cwalo:

Ngunyana u ka nga Munyaliwa wa Hae kuli
abe bukaufi ni Yena,
Limpi za Lihalimu kaufela lika kopana;
Oh, ikaba pono ye kanya, ba bakenile kaufela
mwa liapalo ze sweu twaa;
Mi ba ka ca ni Jesu Kuyakuile. Amen!
“Amu tahe muce,” Muluti wa biza, “Amu tahe
muce.” Amen!

²⁸¹ Ki lizazi mañi le lupila ku lona, hola yateni! Hamu mate, sicaba, mumatele bupilo bwa mina!

²⁸² Mulemuhe cwale, ka kukwala, bulumiwa bobu swana inge lingeloi la bu sebene. Lipaki zepeli, mwataswa Tolombita ya Busupa, ku sikaba fela...kamba, Tolombita ya Busilezi, ku sikaba kale Tolombita ya Busupa maf-...

²⁸³ Cwale, muhupule, mi Ni mi bulelezi kuli Ni ka tisa se hape, “Tolombita Yetuna.” Na ize kuli, ki sikamañi sa Na ka eza, ona mwa Isaya mo? Na ize, kwa... “Tolombita Yetuna ika lila. Tolombita Yetuna!” Hakuna litolombita cwale, mukiti wa litolombita; kuna ni yemibeli ya bona, Mushe ni Elia, ku to biza Tolombita. Kono, mwataswa “Tolombita Yetuna,” Kutaha kwa Mulena, ku zibahalisa kukuta kwa Josefa, mwabona, kuli linaha kaufela lika kubukanelia kwa Jerusalema. Amen. Zeo mu li fumana mwa Buka ya Isaya. Ni mi file zona ku mina, fa nako nyana ye fitile, iliñwi ya likauhanyo zani ze lu balile; mwani ki mwa Isaya 18:1 ni 3. Mi mwa Isaya 27:12 ni 13, ki mona Mwa utwahalisa ona “Tolombita,” yani mi linaha kaufela li ka lemuha kuli Isilaele u keni mwa mubu wa habo, Mulimu una ni yena.

²⁸⁴ Mi Munyaliwa uka taha ku toba ni Munyali, ni Munyali hamoho ni Munyaliwa; mi kipeto kutaha puso yetuna ya Mileniamu, kasamulaho lifasi kaufela limano sinyiwa ka mata a atomiki. Mi ku kaba “lihalimu le linca ni lifasi le linca,” le li kaba la kamita.

²⁸⁵ Mutualime, hande mwatasi... Cwale mulemuhe, bulumiwa bwa Mushe ni Elia bu ka... Cwale, mutu kaufela mwa teeleza? Mutuhele ni bulele cwalo hape. Bulumiwa bwa Mushe ni Elia, mwahala Tolombita ya Busilezi ni ya Busupa, ku kaba bapolofita bababeli baba kaba... bao... Isilaele kamita i lumela mwa bapolofita ba yona.

²⁸⁶ Cwale, kiñi Moya o Kenile ha no bulezi kuna hane Ni kalile ku zamaya kwani, ku ba bonisa kuli Na li Mwana Mulimu, ali, "haisika fita kale"? Mwa hupula cwalo, ka myaha ye ketalizoho kwa mulaho, mwa musipili waka kuya kwa India? [Kopano ili, "Amen."—Mu.] Ali, "Usike wa eza cwalo."

²⁸⁷ Ne nili, "Ba li, 'Haiba yo ki yena Mesia, ha lu Mu boneñi aeze sisupo sa mupolofita. Lwa lumela mwa bapolofita."

²⁸⁸ Muzwale Lewi Pethrus ni babañwi neba ni lumezi Libibele zani; hane bafa buñata kueza milioni ya zona kwa Majuda bene ba zwelela kwa Iran ni libaka zeñwi, ku yo kuta, ku i kopanya i libona hamoho, kuli babe naha.

Na hupula, "Ye ki nako yaka." Ne ni itukisize kale... Cairo, Egypt.

²⁸⁹ Ki hali, "Usike wa eza seo cwale. Hola haisika fita kale." Mi Na kutela kwa hae. Uh-huh. Oh, mawi!

²⁹⁰ Mushe ni Elia bana ni kubiza. Tukuluho ya pentekota isa zwelapili, kamba isa liteni ni ka nako ye. Mwabona? Cwale mukiti wa Litolombita una ni ku zibiwa. Ni yo fa mwa Malaki 4 ha tamahani ni yani fani; batili sha, batili sha. Mulemuhe, a mutualime fa, bulumiwa ikaba bwa Mushe ni Elia, kucinca ni kubiza Isilaele kuzwa mwa lizo za Majuda, muteeleze, kuzwa mwa lizo za Majuda mo ne ba sa kakatezi. Ka kuba bapolofita, baka mu lumela—baka mu lumela, ku ba bizeza kwa Swalelo, Kreste, ku ba tusa kulemuha Kreste. Ba kali, "Wa taha. U kaba fa." Majuda ba ka kopana, lika ze cwalo.

Mi cwale Ha satile, uli, "Ki Na yo." Mwabona?

"Ki kai Ko zusize mañiba ao?"

"Ki mwa ndu ya balikani ba Ka."

²⁹¹ Cwale, kuswana fela sina bapolofita bababeli bani mone ba ezelize! Muhupule, Munyaliwa wa Bamacaba una ni kuba ni mupolofita, ya bizwa Eliasi, Elia, ya lukela kuba biza kuli bazwe mwa lizo za bona, yena Munyaliwa; ki nto yeswana fela sina bapolofita ba mo ne ba bizelize Majuda kuzwa mwa Bujuda, kutaha ku Kreste, mwa Swalelo. Mi Bamacaba ba ziba kale ka za Swalelo, kono ki kubiza Munyaliwa kuli a kutele kwa Swalelo ya hae ya pili, koo lisabata ze (mashumi aketalizoho) zona lisabata zene ba... Ona lisabata ze supa ko ne ba zwile kwani; ku ba bizeza kukutela kwa nako ya maungulo. Ze supa... Muteeleze! Mulumiwa wa Keleke ya Busupa, mulumiwa wa Tolombita ya Busupa, kaufela ki bapolofita. Cwale, yeo ki niti.

Ku kenyizwe, baba kuba fa handeleti ni fote fo sauzande.

²⁹² Abiza, Maswayo, anali ku Bamacaba. Ne lina ni kuba ku Bamacaba, kuli li kwaluhelle ku Bamacaba, ili kubona Keleke ya Bamacaba. Kona fela ze lu ziba. Kona fela ze lu teelezanga; ze felile kale. Lu bata bata Jesu.

²⁹³ Mu li, “Cwale, libelela fa muzuzu, Muzwale Branham, Na lumela ba ka eza se.”

²⁹⁴ Sisupo sa mafelelezo ku Abrahama... Mi luna lu Peu ya silena ya Abrahama; yena Munyaliwa. Sisupo sa mafelelezo seo Abrahama akile a bona ku sika taha kale sisupo sa sepiso... mwana mushimani wa sepiso ataha, neli sikamañi? Mulimu, mwa mufuta wa batu, yani na kona ku lemuha milelo ya sicaba; muuna alimuñwi, isiñi baba twelufu; muuna alimuñwi, hakuna taba kamba ki balikanyisi babakai. Neba na ni Alimuñwi, mi A lemuha milelo wonoli mwani. Sikamañi? Mi, taba yetatama ya ezahala, Abrahama ni Sarah neba fetuhile kuba mutangana yomunyinyani ni musizana yomunyinyani. Lwa ziba cwalo.

²⁹⁵ Cwale, Ni ziba kuli zeo za mi sitatalisa nyana cwale. Kono, muhupule, kuli fela mube ni niti ya kuziba cwale... Ha mu bali Bibele ka mukwa o *cwana*; mubala mwahala mibamba ni kubona, kuli siswaniso si tahe.

²⁹⁶ Mutualime. Sarah neli mucembele wa musali, Bibele ibulezi ona cwalo. Musali, bali... “Mba ya hae ne se ishwile.” Kana ki niti yeo? “Bupilo bwa Abrahama ne se bu shwile ku yena, ona peu ya hae.” Kana ki niti njí?

²⁹⁷ Cwale, muhupule, peu ya Abrahama ne se ishwile. Myaha ye mashumi amane kasamulaho aba ni bana ba bashimani ka musali usili. Ki sikamañi sa Na ezize? Na cincize mibili ya bona.

²⁹⁸ Mutualime, neba nanuhile musipili wa limaili ze mianda yemilalu, kuya kwa Gerari, neli musipili o mutelele nyana kuli muuna muhulu a zamaye. Ali...

²⁹⁹ Mi Sarah na hupula kuli ne ba si ke baba ni ku kopana kwa lubasi. Ki hali, “Na...” Myaha ye mashumi amabeli kamba amañata, mwendi, ba si ka ba kale ni ku kopana kwa lubasi. Ali, “Na mucembele wa musali, mi mulena ka, hape; lube ni munyaka hape, inge batu ba basali banana?”

Yena ali, “Kana kuna ni nto yetata ku Mulimu?”

³⁰⁰ Mulemuhe sene si ezahalile. Kapili musali a fetuha kuba musali ya latiwa yomunde. Ku bonisa, mwahali mwani, ku bonisa sa Ka eza kwa Peu ya silena ya Abrahama, kuli i amuhelle Mwana ya sepisizwe. Akutiswa kwa mulaho kuba mwanana...

³⁰¹ Mutualime, nebaile mwa Gerari. Mi ki sikamañi sene si ezahalile? Abimeleke, mulena, a mu lata, ali, “Ki yomunde mi ubizezwa kwa mileko,” mi na ka munyala. Kana ku cwalo? Mucembele muumbulu; kanti inge kuna ni basizana babañwi

bani kaufela babande kwani. Kuku wa batu, "Ki yomunde. Wa buheha ha talimwa." Mwabona?

³⁰² Mulimu na cincize mubili wa hae, ni ba ku ba kutisa kwa mulaho. Ki kunutu yena ni ku patululwa cwale mwa lizazi le, ka Mwana mutu, mwabona, Liñusa la manzibwana. Mwabona? Kuba kutiseza kwa mulaho! Mi sani neli sisupo sa mafelelezo se ne ba boni, neli (sikamañi?) ona temuho yani, ku sika taha kale cinceho ya mubili.

³⁰³ Mi lu si ka amuhela kale Mwana, ki sikamañi se si ezahala? "Tolombita ya Mulimu ika lila; baba shwezi ku Kreste ki ha ba ka zuha pili, ka mubili o munca; mi luna baba pila mi lu siyezi lu ka cinciwa, mwa nako nyana, ka ku kobya kwa liito," haleluya, "mi luka ngelwa hamoho, ku yo katanyeza Mulena mwa mbyumbyulu." Kunutu i zibahalile; Maswayo a kwaluhile.

³⁰⁴ Tolombita ne iliziwa kwa Isilaele; bapolofita bababeli ba itukiselize ku bonahala. Ki sikamañi seo? Keleke i lukela kuzwa mwa sibaka se cwale, kuli ba bonahale. Yena hakoni ku talimana ni lika zepeli ka nako yeswana; Ali kuba aeze fateni cwalo. Mwabona?

³⁰⁵ Oh, muzwale, talima! Luli, ku biza kamukana, kuba bizeza kwande a likopano ni lizo. Cwale lubona lusika lwa keleke ya pentekota ha lu felile.

³⁰⁶ Munyaliwa ulukela kuzwa mwa nzila, kuli akambame cwale; kuli batanga bababeli, bona batanga bababeli ba Mulimu, mwa Sinulo, bapolofita bababeli, ba iponahaze mwa sibaka, kuli ba lize Tolombita ya Busupa ku bona, ba zibahalise Kreste ku bona.

³⁰⁷ Lingeloi la bu sebene, mulumiwa, uli, "Amubone Ngunyana ya Mulimu ye takula sibi sa lifasi!" Isiñi kuli, "amubone Methodist yaka, Baptist yaka, Pentekota yaka." Kono, "Linzwi, yena Mwana Mulimu, yena Ngunyana ya Mulimu ye takula sibi sa lifasi," kakuli hakuna mutomo usili hape! Mwa bona?

³⁰⁸ Luna ni nako yekuma kai? Majuda ba inzi mwa mubu wa bona. Munyaliwa u bizizwe. Ka mañolo, lika kaufela liinzi fela mwa Na sepiselize. Lu itukisize. Hola ki ye.

Linaha za ikaba, Isilaele wa zuha,
Lisupo zene ibulezi Bibele;
Mazazi a Bamacaba a balilwe, ni misima
ikatilwe;
Mukutele haenu, O mina, bayambaeli.

Lizazi la kuliululwa li fakaufi,
Lipilu za batu za njanja ka sabo yetuna;
Mutale ka Moya wa Mulimu, malambi a mina
atuke hande,
Mutalime kwa halimu, kuliululwa kwa mina
ku sutelezi!

Bapolofita ba buhata ba puma, Niti ya Mulimu
 ba i latula,
 Kuli Jesu Kreste ki Mulimu wa luna; (yeo ki
 niti)
 Kono luna luka zamaya mo ku zamaile ba
 apositola.
 Kakuli lizazi la kuliululwa li fakaufi,
 Lipilu za batu za njanja ka sabo yetuna;
 Mutale ka Moya wa Mulimu, malambi a mina
 atuke hande, (musike mwa nuha fela)
 Mutualime kwa halimu, kuliululwa kwa mina
 ku sutelezi!

³⁰⁹ Mupolofita na ize, “Kukaba Liseli ka nako ya manzibwana.”

Kukaba Liseli ka nako ya manzibwana,
 Nzila ya Kanya muka i fumana luli;
 Mwa nzila ya mezi, kuna ni Liseli kacenu,
 Mu pumbekwe ka Libizo lelinde la Jesu.
 Banana ni ba bahulu, mubakele libi za mina
 kaufela,
 Moya o Kenile uka kena ku mina;
 Maseli a manzibwana atile,
 Ki niti kuli Mulimu ni Kreste ki Alimuñwi.

³¹⁰ Ki luna ba fa! Lu kwa maungulo. Zeo ha ki mufuta fela wa
 mutu ya lyangani. Kono KISONA SA BULELA MULENA.

Halu inamiseni litoho zaluna.

³¹¹ Mulimu ya sishemo, Jehova, wena Yamata kaufela yana
 lumile ka mulumo fa Lilundu la Sinai; mi sicaba sa huwa sali,
 “Mwendi ku bulele fela Mushe, mi isi Mulimu, luka suhana
 lwa shwa.” No bulezi, Jehova Yomutuna wali, “Ni ka ba tiseza
 Mupolofita. Hanina ku bulela ku bona ni kamuta ka mukwa wo.”
 Kono No sepisize so No ka eza, mi Wa eza cwalo; No lu zuselize
 Mulena Jesu. Ki yena Linzwi. No ize Nali yena. “Kwa simuluho
 ne kuna ni Linzwi, mi Linzwi nali ku Mulimu, mi Linzwi nali
 Mulimu. Mi Linzwi la ezwa nama, mi la to yaha ku luna.”

³¹² Lu bona lika za Na polofitile ku luna fa, kuya ka mupolofita
 wa Hae, Joani, fa sooli sa Patimosi. Lwa libona ha li talelezwa,
 ka swanelo. Lu bona Moya o Kenile o bonahalile mwahala luna
 fa lifasi fa. Lu bona likopano ha li Mu kashelize kwande a
 keleke; yena Linzwi. Hakuna se bana ni ka ku lwanisa sicaba;
 kono ki Linzwi lani kona le ba toile. Li lwanisa sizo sa bona.
 Kuswana fela sina ha No li fa lifasi fa, No li wena Linzwi, mi
 No lwanisa lizo za bona; mi ba Ku nepela kwande a likeleke za
 bona, kai ni kai.

³¹³ Mi cwale, Mulena, hakuna swalisan, kai ni kai. Nihaiba
 kulika kukena mwa South Africa, ko Ni ziba kuli kuna ni mioya
 kwateni ye libelela. Sibaka kaufela, mi ni ku bonahala inge ne
 ba sike ba ni amuhela, Mulena. Isi kakuli ki na, Mulena; ki ka

bakeñisa Liñusa le. Kono, No bulezi kuli kukaba ka nzila ye, mi U li zibahalize ku luna kuli lusike lwa zwafa. Lwa ziba hola ye lupila ku yona.

³¹⁴ Mulimu, sicaba se sibile si inzi mo kakusasana cwana, mwa kucisa kwa, sibaka sesi lu halika se. Ba teeelize ka tokomelo. Ba bona cwale, Na sepa. Haiba habayo cwalo, li patulule ku bona, Mulena, libaka leo U si ka ni lumeleza kunga Litolombita zani. Ni bona kuli halina za kueza ni luna. Ona fani fa Tolombita ya Busilezi yani, kaufela zona za ezahala, mi se lu boni Liswayo la Busilezi ha li kwaluha. Mi lu boni pono kwanu, lisunda zepeli kwa mulaho, ka za mubonelo wa kwapili wa Munyaliwa ni keleke, sina ha Ni bulezi fa. Inge fela mo ni boniselize Wena, Mulena, Ni bulezi cwalo. Ki luna ba. Nako se i felile kufita mo lu nahanelia.

³¹⁵ O Ndate, haiba kuna ni mutu yomuñwi mo kakusasana cwana, ya—ya talima fela ka ku akaleza, ka susuezo ya lituto za bulapeli, kamba linzwi la muituti yomuñwi wa za bulapeli ya shutana ni Linzwi la Mulimu! Mi ha sa zibi Kreste wa niti, ona Moya o Kenile wa niti. Ha u si ka patululwa ku yena, Linzwi, lateni, ka mo Linzwi lina ni kubela mwa lizazi le. U bona fela sizo. U pila mwa—mwa Liseli le li foufaza. Inge bulengwami bo butuna hahulu bo bukile bwa ba teni mwa lifasi, hane nili mwa England, ne li ezzizwe ka liseli la buhata. Ki bulengwami bo butuna hahulu bo keleke ya Hao ikile ya ba ni bona, neli fani haba to shimba liseli la kopano ni kuhana Liseli la niti la Bibebe, yena Kreste.

³¹⁶ O Mulimu, ubi ni makeke! Pilisa baba latehile, Mulena. Shangwe, Ni kupa fela kuba ni nako yetelele nyana, Jesu. Luna ni balatiwa. Fa nako nyana fela. Cwanoñ Licwe tuna lani lika pumiwa kwateni kwa lilundu. Lumeleza, Mulena, haiba kuna ni yainzi mo aina Wena, ya cwalo atahe ona cwale fa, ha munati, mi a Ku amuhele.

³¹⁷ Halunze lu inamisize litoho zaluna. Kambe ma nanula mazoho a mina, ni kubulela, “Uni hupule, Muzwale Branham.” Haluna nihaiba... Lialetare ni lika zeñwi litezi. Mulimu ami fuyole. Mubulele fela kuli, “Uni hupule.” Mulimu ami fuyole. Mulimu ami fuyole. Mulimu ami fuyole. Ki mazoho a mianda cwalo fela!

³¹⁸ Ndate, Mulimu, kuna ni muluti nyana kokuñwi. U zuse fateni, Mulena. Bateni ona mwa sibaka se. Usike... Satani hakulata u foufalize meeto abona mwa linako za kwamulaho, kono Ni lapela kuli U si tokomeli zani, sina mo ne U ezelize ku luna mazazi amañata kwa mulaho. Kono cwale bakeñisa kuli U lu bizeza kwa kubona... Bibebe ibulezi kuli nebali libofu. Ne ba si ka ziba cwalo. Ili, “Ni ku eleza kuli u leke ku Na mulyani wa mwa meeto.” Mulimu, itusise mulyani woo ku luna kakusasana cwana, kuli ba kone kubona. Ibo ki o ikokobeza, mwa sikhata

sa batu baba ikokobeza; ni ku ikokobeza, baba sika ituta, ni babañwi cwalo, kono niteñi kona mo ne kuinezi kwa makalelo. Lumeleza cwalo, Mulena, kuli ba U amuhele onafa cwale. Ni ba fa ku Wena, ka Libizo la Mwana Hao, Jesu.

³¹⁹ Mi No ize kuli, “Ya utwa Linzwi la Ka.” Na sepa hande, Mulena, kuya ka zibo ya ka hande, ba Li utwile. “Mi alumela ku Ya Ni lumile,” isiñi ya likanyisa kulumela, kono ya lumela za niti, mi u lumela sesi bulezzi ki Linzwi. “Una ni Bupilo bo busa feli, mi hana kutaha mwa Katulo; kono u sa zwile kwa lifu u keni mwa Bupilo.” Joani 5:24.

³²⁰ Lumeleza, Mulena, kuli babe ba Hao, kuzwa hola ye kuya kwapili. Haiba kuna ni kulyangana mwa minahano ya bona, lizuse ku bona. Haiba kuna ni mutu ya kula mwahala luna, tuhela kuli Moya o Kenile omutuna, Mulena, . . . O, Ni ziba kuli uteni mo; mi upatulula mihipupo yeswana, uyemi fa katala fa. Ba ziba ka zona kaufela. Ni lapela kuli U ka ba folisa, Mulena. Alaba lipuzo kaufela.

³²¹ Siliba sika kwaluhela ku bani baba si ka cimbekwa kale ka Libizo la Jesu Kreste, kunga Libizo la Munyali. Bana ni kopano, za bulapeli; hakuna ni yomukana yana kolobelizwe ka malumbatina a kuli “Ndate, Mwana, ni Moya o Kenile,” kamba kufafalezwa; ni lika zeñwi za sizo ze fumaneha kwa likeleke za lusika lo, ki muzamao wa anti-Kreste, siswaniso sa sibatana. Hakuna ya kile a kolobezwa ka libizo la “Ndate, Mwana, Moya o Kenile,” kufitela keleke ya Katolika ieza cwalo. Bibele kaufela, ni litaba za kale kaufela, kasamulaho, ibulela kuli ne ba kolobelizwe ka Libizo la Jesu.

³²² Paulusi naize, mwa Magalata 8:1, “Haiba Lingeloi lelizwa kwa Lihalimu litaha ku to kutaza Evangeli isili, yo abe anatema.” Mi U laezi sicaba sani sene si kolobelizwe ki Joani, yena ya swana ya na kolobelize Jesu, kuli ba tahe ku to kolobezwa sinca ka Libizo la Jesu Kreste, mwa Likezo 19. Mi ali, “Musike mwa tuhelela nihaiba Lingeloi ku mi bulelela nto isili fela.”

³²³ Kuka taha mulumiwa mwa lizazi la mafelelezo, uka zamaisa sicaba kukutela kwa mutamu wapili wa miselo, kukutela kwa Tumelo ya makalelo. Lumeleza cwalo, Mulena, kuli yena Mulumiwa yomutuna yani abe mwahala luna cwale, ili Kreste yomutuna, ili Moya o Kenile o i ponahalize, o eza kutwisiso, u kwalula Linzwi ni ku Li patululela luna, Ha ba zamaise kukutela kwa Tumelo ya makalelo, ya pentekota. Sina Pitrosi mwa na bulelezi, ka Lizazi la Pentekota, “Mubake, mañi ni mañi wa mina, mi mukolobezwe ka Libizo la Jesu Kreste kwa swalelo ya libi.” Mi nekuli cwalo kamita, ku mutu kaufela, kufitela keleke ya Siroma kwa Nicaea.

³²⁴ Mulimu, ube ni makeke cwale. Siliba si ka libelela; lipilu li kwaluhile. Kena, Mulena Jesu. Lu mwa lihola za mafelelezo.

Haiba kwa konahala, Mulena, kuli ba tahe mwa hola yona ye; yeo, Ni sepa kuli bateni. Mi luna baba keni, Mulena, lukone kuba ni ku itekula cwale, kuli lu boni ni ku utwa Linzwi la Mulimu ha libulela ka Linzwi la Hae, mi lwa ziba hola ye lupila ku yona. Lumeleza cwalo, Ndate. Lu ba beya ku Wena, ka Libizo la Mwana Hao.

³²⁵ Cwale ni litoho zaluna ze inami.

Ka bunolo ni ka ku ishuwa Jesu wa biza,
U biza wena . . .



MUKITI WA LITOLOMBITA LOZ64-0719M
(The Feast Of The Trumpets)

Liñusa le ka Muzwale William Marrion Branham ne li katalizwe lwa pili mwa Sikuwa la Sunda kakusasana, Sikulu 19, 1964, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org